

卷
世
世
世

宋書日象

佩文齋書畫譜

C. T. LOO & CO.
41 EAST 57th STREET
NEW YORK, N. Y.

NO. 513
HGT. _____
LENG. _____

NK
3634
.A2
Q243
1920
v. 11

佩文齋書畫譜目錄

第三十二卷

書家傳十一

宋一

趙普

曹彬

徐鉉

陶穀

張鑄

盧斌

郭廷謂

郭從義

崔頌

吳元輔

韓浦

吳淑

吳遵路

范宗傑

劉溫叟

宗翼

駱文蔚

王正己

皇甫儼

袁正巳

尹熙古

張仁愿

孫崇望

孫思皓

錢儼

李建中

秦玠

李宗易

蘇易簡

蘇耆

張齊賢

楊億

劉筠

姚鉉

宋貽序

趙鎔

李穆

趙安仁

鄭文寶

李宗訥

李宗諤

李居簡

句中正

句希仲

王著

葛湍

王惟恭

郭忠恕

錢惟治

錢惟演

錢易

錢昆

錢昱

李無惑

高紳

申革

張秉

孫景璠

許自言

張振

白崇矩

何潤之

邢守元

黃識

章得象

向敏中

畢士安

陳堯佐

陳堯叟

陳堯咨

魯宗道

宋湜

晁迥

蔣堂

查道

薛映

李行簡

王嗣宗

陳靖

周起

周越

周延雋

石延年

錢熙

梁鼎

趙德鈞

趙惟和

种放

林逋

曹汝弼

彭太素

趙宗萬

張維

郭咸

朱巖

沈文旭

劉太初

鄭世卿

白憲

吳郢

楊昭度

盧經

杜衍

晏殊

宋綬

韓琦

范仲淹

富弼

王曾

呂夷簡

文彥博

王舉正

龐籍

楊畋

陳執中

薛奎

賈昌朝

歐陽脩

包拯

宋庠

宋祁

葉清臣

王隨

胡宿

張觀

劉居正

王礪

王洙

王堯臣

石介

胡瑗

邵鍊

邵必

唐異

胡恢

邵雍

蘇舜欽

蘇舜元

陸經

錢明逸

江休復

梅堯臣

蘇洵

雷簡夫

唐詢

唐詔

陳漢卿

張先

刁約

張汝士

王顧

薛良孺

章友直

楊南仲

張次立

元居中

范文度

趙世融

司馬尋

高繼宣

凌叔華

黃茂先

段少連

杜叔元

董儲

張伯玉

慎東美

李唐卿

黃公孝

仲翼

孟應之

趙克繼

趙克已

趙叔韶

趙克修

趙宗望

李端懿

李瑋

顏褒

于正封

徐易

張中樂

錢貽範

蔡仍

許歸

雷憲

黃通

夏竦

第三十三卷

書家傳十二

宋二

蔡襄

蔡懋

劉澤

劉敞

滕元發

王廣淵

王臨

時君卿

岑宗旦

蘇大雅

王珪

唐介

宋敏求

趙抃

馮京

韓絳

韓維

韓縝

王安石

曾鞏

曾肇

曾布

曾宰

邵亢

沈括

沈遼

蔡仲遠

錢公輔

李大臨

陳襄

周敦頤

張載

文同

張唐英

王子韶

張友正

唐垌

葛蘊

李隲

王珣

呂權

王壽卿

陳晞

畢仲詢

李孝揚

王盛

王紳

鍾離景伯

王棣

羅遜

宋嘉言

呂惠卿

呂升卿

吳中復

王順

任廣

楊蟠

昆深之

司馬光

呂公著

范祖禹

劉安世

范純仁

范純粹

劉摯

程顥

程頤

呂大防

呂大臨

胡宗愈

蘇頌

李東

李常

劉攽

蘇軾

蘇轍

蘇邁

蘇過

黃庭堅

黃大臨

黃幼安

黃乘

黃知命

黃正叔

高荷

石蒼舒

王正甫

孔文仲

晁端有

晁端中

晁補之

晁叔與

秦觀

張耒

陳知和

錢勰

李昭玘

楊傑

王鞏

范子奇

范中潛

朱長文

劉涇

李元直

蘇沂

王詵

鮮于侁

賀鑄

徐積

顏復

劉燾

鄭惇方

程之才

柳瑾

柳閱

李彭

李康年

杜庭之

孫朴

趙汝霖

葛革

高述

潘岐

葛珣

杜介

朱和叔

文勛

張又祖

馬中玉

洪芻

丘敬和

陳恬

王蕃

周壽

張載熙

張舉

吳元瑜

安宜之

王希

廖正一

蘇定武

宋傳

呂彥直

第三十四卷

書家傳十三

宋三

米芾

米友仁

米尹知

黃伯思

薛紹彭

張商英

趙挺之

劉正夫

蔣之奇

李之儀

張舜民

豐稷

陳瓘

鄒浩

韓駒

鍾傳

李時雍

李時敏

劉次莊

關景仁

關蔚宗

朱服

鄭同

毛滂

王安中

曹評

趙令穰

林摠

沈錫

劉濤

邵毓

章棗

杜從古

王昇

李公麟

李冲元

張閔道

周邦彥

慎漢公

于琮

徐琰

王植

張熹

吳斯道

呂天策

袁液

趙士暎

林彥祥

林思心

孫琰

石昭問

胡份

周沔

滕中

常安民

陳休

湯正臣

劉元成

孫道

蔡子因

王道

王古

趙岍

宋復

范致沖

蔡京

蔡卞

章惇

楊邦乂

滕茂實

曹輔

唐重

趙子晝

崔鷗

蒲云

鮑慎由

劉瑗

趙霆

趙仲忽

吳峴

任誼

劉松老

王逸民

高燾

王持

李覺

陳昱

王仲蕤

許采

張察

吳師孟

趙竦

柳淇

鄭諶

王俣

閻蒼舒

韓璠

徐滋

宋杞

杜仲微

林伯修

陳歸聖

程嗣昌

王伯忠

蔡玠

翟靜叔

何籀

丁晞顏

徐易

丁德隅

崔洪

喻陟

錢伯言

汪藻

張皞

尹焞

程俱

張九成

張守

李彌遜

陳之茂

王利用

薛尚功

楊无咎

李綱

李光

翟汝文

翟耆年

葉夢得

胡安國

胡寅

胡宏

胡世將

沈與求

張綱

陳與義

權邦彥

蔣燦

孫時

岳飛

岳珂

韓世忠

韓彥直

曲端

吳玠

潘良貴

潘時

陳東

朱松

劉子翬

張孝祥

吳說

蘇庠

韓元吉

朱敦儒

喻樗

向子諲

徐競

徐琛

徐林

徐夔

劉岑

曾紆

趙弁

趙奇

熊方

范端臣

王逵

孫覲

向子廓

康與之

嚴煥

周武仲

趙子澄

趙公碩

畢良史

石熙明

李昭

陸升之

曾慥

何大奎

張祿

馬雲夫

韓彥端

李昌國

王次山

朱綬

季布

孫勤川

鄭知幾

秦檜

佩文齋書畫譜卷第三十二

書家傳十一

宋一

趙普

趙普字則平幽州薊人徙河南洛陽太祖受禪以佐命功授諫議大夫充樞密直學士乾德中為門下侍郎平章事集賢殿大學士加右僕射淳化中封魏國公謚忠獻真宗追封韓王

宋史本傳

忠獻王家問指搗審細字畫謹嚴

東觀餘論

曹彬

曹彬字國華真定靈壽人乾德初神武將軍拜樞密使檢校太尉忠武軍節度使太宗即位同平章事封魯國公謚武惠贈韓王

宋史本傳

顏魯公送裴將軍詩跋尾曹武惠王書筆意可觀

舟州山人藁

徐鉉

徐鉉字鼎臣揚州廣陵人十歲能屬文仕南唐李昇父子隨李煜入覲太祖命為率更令太平興國初直學士院從征太原軍中書詔填委鉉援筆無滯遷左散騎常侍鉉精小學好李氏小篆臻其妙隸書亦工嘗受詔與句中正葛湍王惟恭等

同校說文

宋史本傳

鉉與弟錯皆能八分小篆在江南以文翰知名號二徐歐陽文忠公集

徐鉉精於字學蓋自陽冰之後篆法中絕而鉉於危亂之間能存其法歸遇真主

字學復興其為功豈淺哉初雖患骨力歉陽冰然其精熟奇絕點畫皆有法及入

朝見嶧山摹本自謂得師於天人之際搜求舊迹焚擲略盡較其所得可以及妙

墨池編

鉉深得小篆法有篆千文刻石南昌趙希鵠洞天清錄

陶穀

陶穀字秀寔邠州新平人本姓唐避晉祖諱改焉起家校書郎宋初為禮部尚書

翰林承旨強記嗜學博通經史諸子佛老咸所總覽多蓄法書名畫善隸書宋史

本傳

張鑄

張鑄字司化河南洛陽人梁貞明三年舉進士歷仕後唐晉周官至秘書監判光

祿寺宋初加檢校刑部尚書美姿儀善筆札老能燈下細書如蠅頭由晉以來天

地宗廟及上徽號封拜王公冊文皆詔鑄書之宋史本傳

盧斌

盧斌開封人以筆札事晉邸太祖即位補殿直累官左僕射宋史本傳

郭廷謂

郭廷謂字信臣徐州彭城人幼好學工書善騎射宋初從征上黨歷官靜江軍節度觀察留後宋史本傳

郭從義

郭從義其先沙陀部人開寶中左金吾衛上將軍拜太子太師性重厚有謀略多技藝尤善飛白書宋史本傳

崔頌

崔頌字敦美河南偃師人周恭帝時諫議大夫宋初判國子監攝太僕好詼諧善筆札時稱適麗宋史本傳

吳元輔

吳元輔字正臣太原人雄武軍節度使延祚子好學善筆札宋初授左驍衛將軍澶州巡檢累官至定州鈐轄宋史本傳

韓浦

韓浦京兆長安人周顯德初舉進士開寶中歷司門郎中博學善持論詳練臺閣故事尤善筆札人多藏其尺牘宋史本傳

吳淑

吳淑字正儀潤州丹陽人吳太子中允文正子幼俊爽以校書郎直內史歸朝試學士院大理評事至道二年遷職方員外郎善筆札好篆籀撰說文互義三

吳遵路

吳遵路字安道淑子第進士官殿中丞章獻太后稱制條奏切直出知常州召修起居注除天章閣待制遷龍圖閣直學士幼聰敏博學知大體寡言笑善筆

札 宋史本傳

江南李主及二徐傳二王撥鐙筆法中朝士人吳遵路待詔尹希古悉得之 王銖

王氏談錄

范宗傑

范宗傑傳撥鐙筆法於吳遵路 王氏談錄

劉温叟

劉温叟字永齡河南洛陽人七歲能屬文善楷隸建隆中拜御史中丞 宋史本傳

宗翼

宗翼蔡州上蔡人好學彊記經籍一見即能默寫 劉光顯上蔡志云善為文隱而不仕 歐陽虞柳書皆

得其楷法 宋史感同文傳

駱文蔚

駱文蔚 太祖時人 重修中嶽廟記乾德二年鄉貢進士駱文蔚撰并書瘦樸有骨略似

歐陽率更 嵩陽石刻記

王正已

王正已太祖時人嵩山會善寺重修佛殿碑開寶五年前攝大理評事王正已書嵩陽石刻記

皇甫儼

皇甫儼太祖時人宋篆書千字文序陶穀撰皇甫儼書天下金石志

僧夢英篆書千字文序書出皇甫儼手可謂升率更之堂石墨鐫華

袁正已

袁正已汝南人善書書史會要

宋摩利支天經并陰符經書者汝南袁正已習歐陽率更法隸書方勁非嘉祐

後人所及石墨鐫華

尹熙古

尹熙古一作希古官翰林待詔工篆得撥鐙法所書為一時之絕書史會要

宋真宗東封碑領天貺殿碑天齊仁聖帝碑皆待詔尹熙古書書法類聖教序

任弘烈泰安州志

張仁愿

張仁愿太祖時待詔宋修唐憲宗廟碑張仁愿書石墨鐫華

孫崇望

孫崇望開寶時待詔修周康王廟碑黃遜浮撰孫崇望行書石墨鐫華

崇望運筆圓熟乃吳通微院體之遺兪州山人藁

衛州刺史郭公屏盜碑杜韞撰孫崇望正書金石文字記

孫思皓

孫思皓國初孫妃弟學歐本朝無人過也米芾書史

錢儼

錢儼字智仁文穆王元瓘子建隆初領彰武節度書畫皆入能品書史會要

李建中

李建中字得中其先京兆人祖稠避地入蜀建中幼好學太平興國八年進士甲科景德中進金部員外郎性簡靜恬於榮利前後三求掌西京留司御史臺愛洛中風土就構園池號曰靜居好吟咏每遊山水多留題自稱巖夫民伯加工部郎中善書札行筆尤工多構新體草隸篆籀八分亦妙人多摹習爭取以為楷法嘗手寫郭忠恕汗簡集皆科斗文字有詔嘉獎宋史本傳

建中恬於進取求掌西京留司御史至今謂之李西臺草隸篆籀八分皆工真行

尤精墨池編

李西臺書學張從申陳師道後山叢談

李建中善古文八分行書嘗得古文孝經研翫臨學遂盡其勢王氏法書苑

秦玠 李宗易

秦玠官兵部李宗易官祠部皆學於西臺各有師法

後山叢談

蘇易簡

蘇易簡字太簡梓州銅山人少聰悟好學風度奇秀才思敏瞻太平興國五年舉進士擢冠甲科充翰林學士遷給事中參知政事雅善筆札著文房四譜續翰林

宋史本傳

蘇許公書無愧楊法華

洞天清錄

蘇耆

蘇耆易簡子

米芾書史曰字國老

為工部郎中直集賢院

宋史本傳

王內史二帖上有蘇耆題字

米芾書史

張齊賢

張齊賢曹州冤句人字師亮太祖幸西都齊賢以布衣獻策馬前太祖還語太宗曰張齊賢異時可輔汝為相也擢進士通判衡州淳化二年參知政事數月同中書門下平章事真宗即位拜右僕射謚文定

宋史本傳

張文定擅豪翰其蹟雜見羣玉堂法帖中

書史會要

楊億

楊億字大年建州浦城人七歲能屬文雍熙初年十一太宗聞其名詔送闕下即

授祕書省正字特賜袍笏景德三年為翰林學士天性穎悟自幼及終不離翰墨
善細字起草一幅數千言不加點竄宋史本傳

楊文公善小楷書史會要

劉筠

劉筠字子儀大名人舉進士為館陶縣尉還會詔知制誥楊億試選人校太清樓
書擢筠第一累官龍圖閣直學士宋史本傳

劉子儀好學有文善筆札書史會要

姚鉉

姚鉉字寶之廬州合肥人太平興國八年進士甲科淳化五年直史館歷右正言
右司諫河東轉運使加起居舍人文詞敏麗善筆札宋史本傳

宋貽序

宋貽序幽州薊人子琪為贊善大夫嘗預修冊府元龜筆札道勁官至殿中丞宋史

宋琪傳

趙鎔

趙鎔字化鈞滄州樂陵人事太宗於藩邸即位補東頭供奉官累遷宣徽院使同
知樞密事少涉獵文史美書翰多蓄古書畫宋史本傳

李穆

李穆字孟雍開封府武陽人幼能屬文有至行周顯德初以進士為郢汝二州從事太平興國中拜左諫議大夫參知政事善篆隸文工畫

宋史本傳

趙安仁

趙安仁字樂道河南洛陽人幼時執筆能大字雍熙二年登進士第補梓州權鹽

院判官會國子監刻五經正義板本以安仁善楷書遂奏留書之直集賢院王侯

內戚家多以銘誄為託歷官御史中丞謚文定

宋史本傳

梁景不善書每起草必用蜀牋趙安仁善書必用舊紙人號二背

滕康翰墨叢記

鄭文寶

鄭文寶字仲賢太平興國八年登進士第累官兵部員外郎能為詩善篆書工鼓

琴

宋史本傳

鄭仲賢師徐騎省鉉小篆嘗篆千文以示鉉其字學不出一中指之甲騎省嘗曰

篆難於小而易於大鄭子小篆李陽冰不及若大篆可兼爾

釋文瑩續湘山野錄

李宗訥

李宗訥字大辨深州饒陽人司徒文正公昉子以蔭補太廟齋郎吏部擬授秘書

省正字上命擢國子監丞蓋上居藩邸時每有篇詠令昉屬和前後數百章皆宗

訥繕寫上愛其楷麗問知為宗訥所書故有是命後累遷至比部郎中

宋史本傳

李宗諤

李宗諤字昌武宗訥弟由鄉舉第進士授校書郎景德中為翰林學士遷諫議大夫風流儒雅工隸書宋史本傳

昌武筆畫遒峻蓋欲自成一家歐陽文忠公集

本朝公卿悉學鍾王至李宗諤主文既久士子始皆學其書肥褊朴拙以投其好用取科第自是惟趨時貴書矣米芾書史

李居簡

李居簡善草太宗甚愛之以贊善大夫直御書院是時禁林詔命筆體不變粲然可觀遠追唐室墨池編

句中正

句中正字坦然米芾書史云字德元益州華陽人孟昶時舉進士及第精於字學古文篆隸行草無不工太平興國二年獻八體書召授著作佐郎詳定篇韻與徐鉉重校定說文模印頒行太宗神主及獻寶篆文皆詔中正書之嘗以大小篆八分三體書孝經摹石咸平三年表上之真宗召見便殿賜金紫宋史本傳

句希仲

句希仲字衮臣宋史句中正傳云希仲中正子景德六年以開封浚儀進士起家其後除於中書分司西京通訓詁工篆隸書能傳其父學王安石臨川集

王著

五著字知微唐相方慶之後偽蜀明經及第赴闕授隆平主簿善攻書筆迹甚媚頗有家法太宗委以詳定篇韻孫逢吉職官分記云太宗以字書論射欲令刪定名著入授衛尉寺丞史館祇應詳定急就章遂為侍書嘗令中使王仁睿持御札示著著曰未盡善也太宗臨學益勤又以示著著對如前仁睿詰其故著曰帝王始攻書或驟稱善則不復留心矣久之復以示著著曰功已至矣非臣所能及端拱初加殿中侍御史宋史本傳

太宗購古今書使王著辨精狃定為法帖十卷東觀餘論

葛湍

葛湍江東人為侍書善篆書史會要

呂文仲充翰林侍讀直御書院與侍書王著更宿時書學葛湍亦直禁中太宗暇日每從容問文仲以書史著以筆法湍以字學宋史呂文仲傳

王惟恭

王惟恭工篆嘗與徐鉉等校定說文書史會要

郭忠恕

郭忠恕字恕先河南洛陽人見書史會要七歲能誦書屬文舉童子及第尤工篆籀周廣順中名為宗正丞兼國子書學博士太宗即位授國子監主簿令刊定歷代字書著

佩觿集三卷宋史本傳

郭忠恕富有文學尤工篆隸嘗有人於龍山得鳥跡篆忠恕一見輒誦如宿習陶

C. T. LOO & CO.
41 EAST 57th STREET,
NEW YORK, N. Y.
U. S. A.

岳五代史補

郭忠恕世人但知小篆而不知其楷法尤精歐陽文忠公集

忠恕有小字說文字源行於世墨池編

漢重修高祖廟碑郭忠恕八分書字畫頗軟弱余家有忠恕八分懷嵩樓記墨蹟

乃其暮年所書筆力老勁非此碑之比金石錄

宋三體陰符經郭忠恕書忠恕篆法匹徐鉉而誚英公正書有信本皇甫碑法又

工小楷石墨鐫華

錢惟治

錢惟治字和世廢王侁長子幼好讀書乾德四年授寧遠軍節度太宗嗣位進檢校太尉善草隸尤好二王書嘗曰心能御手手能御筆則法在其中矣家藏書帖圖書甚衆太宗謂近臣曰錢俶兒姪多工草書因命翰林書學賀丕顯詣其第徧取視之曰諸錢皆效浙僧亞栖之迹故筆力軟弱獨惟治爲工耳惟治嘗以鍾繇王羲之唐玄宗墨蹟凡七軸爲獻優詔褒荅惟治書迹多爲人藏秘晚年雖病廢猶或揮翰真宗嘗語惟演曰朕知惟治工書然以疾不欲遣使往取爲求數幅進來翌日寫聖製詩數十章以獻賜白金千兩宋史吳越世家

錢惟演

錢惟演字希聖吳越王俶之子也博學能文辭名試學士院以笏起草立就真宗

稱善累官平章事崇信軍節度使謚曰思改謚曰文僖於書無所不讀家儲文籍
侔秘府著金坡遺事飛白書敘錄宋史本傳

錢文僖書帖平平書史會要

錢易

錢易字希白嗣吳越王侑子年十七舉進士試崇政殿三篇日未中而就累遷左

司郎中翰林學士才學瞻敏過人又善尋尺大書行草宋史本傳

希白作字自有江左風味故長沙法帖比淳化待詔所摹為勝東坡集

世有絳帖潭帖臨江帖三書惟潭帖為勝以錢希白所臨本也希白於字畫得佳

處故於二王書尤邃宋高宗翰墨志

錢希白字奇古可喜陸游渭南集

錢昆

錢昆字裕之易兄舉進士能詩善草隸書累官右諫議大夫祕書監宋史本傳

錢裕之善草隸都近李西臺但未老耳樓鑰攻媿集

錢昱

錢昱字就之忠獻王佐長子秀州刺史從俶入朝授白州刺史改祕書監嘗以鍾

王墨迹八卷為獻有詔褒美至道中為郢中團練使善筆札工尺牘太祖嘗取觀

賞之賜御書金花扇及急就章宋史吳越世家

李無惑

李無惑同安人善小篆為翰林待詔蓋斯公陽冰之後未見其比其勁健端好又過於陽冰士大夫家藏之以為寶江少虞皇朝事實類苑

高紳 申革

高紳申革皆江東人與李無惑同時善篆皇朝事實類苑

張秉

張秉字孟節太平興國中試進士儀狀豐麗屬辭敏速美書翰太宗嘉之擢置第二累官樞密直學士知并州羅頌新安志

孫景璠

孫景璠杭州水軍篆千字文為五十餘體太平興國八年以獻太宗善之詔取去黥文隸御書院宰相宋琪請授以官秩太宗曰爵祿非所惜也顧此人面痕尚在豈稱冠帶乎琪固言之乃授國子書學博士陳善杭州志

許自言

許自言太宗時人太宗留心筆札即位之後募求許自言於公車楊億談苑

張振

張振太宗時人太平興國宮碑徐常侍文張振書石墨鐫華

白崇矩

白崇矩太宗時人宋修夫子廟碑太平興國八年呂蒙正撰白崇矩書天下金石志

何潤之

何潤之太宗時人華嚴寺文殊閣碑英公為記何潤之書石壘鑄華

邢守元

邢守元太宗時人宋北嶽安天聖帝碑陳彭年撰邢守元書天下金石志

黃識

黃識太宗時人宋重修南嶽司天王碑翰林學士蘇易簡奉勅撰待詔黃識篆碑陰有楷書陳田夫南嶽總勝集

章得象

章得象字希言家浦城好學美姿表進士及第為大理評事真宗東封泰山以殿中丞簽書充州觀察判官累遷中書門下平章事集賢殿大學士慶曆五年封郇國公謚文憲皇祐中改謚文簡宋史本傳

章文簡公楷法尤妙足以見前人篤實謹厚之餘風也東坡集

向敏中

向敏中字常之開封人太平興國五年進士咸平初兵部侍郎參知政事四年同

平章事充集賢殿大學士兼祕書監宋史本傳

敏中工筆札其蹟雜見曾宏父鳳墅續法帖中書史會要

畢士安

畢士安字仁叟代州雲中人乾德四年舉進士邠帥楊延璋辟幕府掌書奏真宗登位拜工部侍郎樞密直學士景德初拜平章事謚文簡美風采善談吐年者目眊讀書不輟手自讎校或親繕寫又精意詞翰

宋史本傳

王禹偁謫官解梁收得令狐補闕毛詩音義乃會昌三年所寫數行殘缺後人添之其筆迹乃工部畢侍郎所補也因作詩云偶收毛鄭古詩義認得歐虞舊筆蹤

小畜集

淳化祖石帖後有畢丞相士安黃字書子孫保享等語百餘字

淳化帖跋

陳堯佐

陳堯佐字希元閬州閬中人進士及第以太子太師致仕贈司空兼侍中謚文惠善古隸八分為方丈字筆力端勁老猶不衰尤工詩號知餘子

宋史本傳

陳文惠公善八分書變古之法自成一家雖點畫肥重筆力勁健能為文字謂之堆墨八分凡天下名山勝處碑刻題榜多公親迹世或效之而莫能及也

皇朝事實

類苑

陳文惠喜堆墨書遊長安佛寺題名從者誤側硯汗鞋公性急遂窒筆於其鼻客

笑失聲

劉放貢父詩話

陳堯叟

陳堯叟字唐夫堯佐兄解褐光祿寺丞大中祥符初東封以堯叟善草隸詔為途中御製歌詩刻石五年以戶部尚書檢校太傅同平章事充樞密使贈侍中謚文忠宋史本傳

陳堯咨

陳堯咨字嘉謨堯佐弟舉進士第一授將作監丞累遷武信軍節度使贈太尉謚康肅工隸書宋史本傳

魯宗道

魯宗道字貫之亳州譙人舉進士天禧元年為右正言真宗書殿壁曰魯直仁宗即位拜右諫議大夫參知政事贈兵部尚書謚簡肅宋史本傳

劉克莊跋魯簡肅帖云魯公以彊諫直節名而詩律筆法精妙如此世所未知也後村集

宋湜

宋湜字持正京兆長安人太平興國五年進士咸平中官樞密副使謚忠定好學美文詞筆法適媚書帖之出人多傳倣宋史本傳

晁迥

晁迥字明遠澶州清豐人徙家彭門舉進士為大理評事真宗即位擢右正言直史館進翰林學士拜工部尚書仁宗即位以太子少保致仕謚文元宋史本傳

晁文元書法楷正為時推重 書史會要

蔣堂

蔣堂字希魯 鶴山集云 自號遂翁 常州宜興人擢進士為楚州團練推官滿歲吏部引對真宗

覽所試判善之特授大理寺丞累遷樞密直學士慶曆初徙河中府又徙杭州蘇

州以尚書禮部侍郎致仕 宋史本傳

魏了翁跋蔣希魯密學帖云筆畫勁直有法 鶴山集

查道

查道字湛然歙州休寧人未冠以詞業稱端拱初舉進士高第至道三年遷祕書

丞大中祥符三年為龍圖閣待制 宋史本傳

查道善隸篆 墨池編

道始習篆患其體勢弱有教以撥鐙法仍雙鈞用筆經半年始習熟而篆體勁直

書史會要

薛映

薛映字景陽家於蜀進士及第太宗召對為江南轉運使知制誥真宗時拜工部

尚書兼御史中丞仁宗時遷禮部謚文恭善筆札章奏尺牘下筆立成 宋史本傳

李行簡

李行簡字易從同州馮翊人家貧刻志於學寒暑不易聚木葉學書筆法道勁中

進士第起家隴州司理參軍累遷監察御史真宗知之擢龍圖閣待制拜右諫議大夫集賢院學士乾興初改給事中

宋史本傳

王嗣宗

王嗣宗字希阮汾州人開寶八年登進士甲科補秦州司寇參軍太宗征河東召赴行在爲職方郎中真宗時樞密副使爲感德軍節度使檢校太尉謚景莊嗣宗好爲文而札尤甚

宋史本傳

王嗣宗工習草書

書史會要

陳靖

陳靖字道卿興化軍莆田人好學頗通古今授陽翟縣主簿遣從子上書求入奏機略太宗異之爲御史臺推勘官真宗即位徙河南轉運使累遷太常少卿集賢院學士拜左諫議大夫以祕書監致仕

宋史本傳

陳靖工筆札其蹟雜見鳳墅續法帖中

書史會要

周起

周起字萬卿淄州鄒平人舉進士授將作監丞真宗時累拜禮部侍郎樞密副使謚安惠家藏書至萬餘卷能書

宋史本傳

起與其弟越皆以能書爲世所稱每書輒爲人取去

臨川集

周越

周越字子發起弟亦能書集古今人書并所更體法爲書苑十卷累官主客郎中

宋史本傳

周越草書精熟博學有法度而真行不及如俊士半酣容儀縱肆雖未可以語妙於能則優矣當天聖慶曆間以書顯學者翕然宗尚之然終未有克成其業者也

嘗撰書苑屢求之不能致無以質疑云

墨池編

越書近世不甚貴重然於衆人中猶屹屹有立庸可輕哉

孔武仲清江集

周子發下筆沈著是古人法若是筆意姿媚似蘇子瞻便覺行間茂密去古人不遠矣何止獨行於今代邪

山谷集

周延雋

周延雋字仲章起子官太常少卿

宋史本傳

延雋落筆有古法真行草隸俱入能品能以翰墨世其家

桑世昌龍亭博議

石延年

石延年字曼卿先世幽州人家於宋城爲文勁健於詩最工而善書累舉進士不中真宗錄二舉進士以爲三班奉職不得已就命歷光祿大理寺丞遷太子中允

宋史本傳

石曼卿工書筆畫道勁體兼顏柳余家得南唐澄心堂紙曼卿爲余書籌筆驛詩

詩曼卿所自愛號爲三絕

歐陽脩六一詩話

曼卿之筆顏筋柳骨散落人間寶為神物

范文正公集

曼卿大字愈大愈奇

東坡集

曼卿正書入妙品尤喜題壁不擇紙筆自然雄逸嘗艤舟於泗州之龜山寺僧請題壁乃劇醉卷氈而書一揮而成使善書者雖累旬月構思以為之亦不能及也

墨池編

錢熙

錢熙字太雅泉州南安人雍熙初登甲科試中書遷殿中丞真宗即位遷右司諫好學善談笑精筆札

宋史本傳

梁鼎

梁鼎字凝正益州華陽人太平興國八年進士甲科端拱初遷殿中丞通判歙州景德初知三班院判西京留司御史臺好學工篆籀八分

宋史本傳

趙德鈞

趙德鈞字子正秦王廷美第五子性和雅善書翰好為篇什淳化初拜右武衛將軍景德二年拜右監門衛大將軍追封安鄉侯

宋史本傳

趙惟和

趙惟和太祖孫燕王德昭子雅好學為詩頗清麗工筆札優游典籍嘗和御製詩上稱其有理致上謂宰相王旦等曰惟和好文力學加之謹愿皇族之秀也錄其

藁二十二軸上親製序藏於祕閣宋史本傳

种放

种放字明逸河南洛陽人隱終南豹林谷之東明峰種秫自釀號雲溪醉侯多爲歌詩自稱退士咸平四年召對崇政殿授左司諫直昭文館大中祥符四年拜工

部侍郎宋史本傳

黃庭堅跋种大諫墨蹟云种明逸天下高士郭有道之流輩也使其翰墨無以過人得其遺蹟猶可想其風度况筆精墨妙邪山谷集

种放書迹有晉人風氣書史會要

林逋

林逋字君復杭州錢塘人結廬西湖之孤山真宗賜粟帛既卒仁宗賜謚和靖先生逋善行書喜爲詞多奇句宋史本傳

逋善行草書喜爲詩其語孤峭澄澹而未嘗自錄其藁或謂曰先生何不錄所著詩以傳於後逋曰吾終志山林尚不欲取名於時况後世乎桑世昌和靖先生傳

處士林逋工筆畫善爲詩歸田錄

林和靖筆意殊類李西臺而清勁處尤妙山谷集

林君復書法高勝絕人予見之方病不藥而愈方飢不食而飽渭南集

林逋作徑寸行書字方勁而氣清都穆寓意編

曹汝弼

曹汝弼字夢得休寧人以經術德義高蹈州里攻篇什篆隸與林逋魏野交自號

松羅山人 汪尚寧徽州志

彭太素

彭太素行書等覺院記刻於真宗改元之歲當是時四家之書未行故猶有唐人

行狎之勢 盛時泰之牘記

趙宗萬

趙宗萬字仲囿山陰人築室於照水坊畜一鶴號丹砂引以為侶足跡不及高門

祥符中詔舉遺逸郡守薦之尋被召乃曰吾老矣不足以任事因獻跛鼈傳以自

見且請自託於道家者流朝廷不奪其志即其家賜以羽服善八分草隸書 孫鏞

等紹興志

張維

張維字公言蜀人為沙門後反初尤善王書絕得懷素之骨世鮮能及之王嗣宗

曾薦於今上召試御書院維自負其能少肯降下入院內環視諸人所書不覺微

哂眾怒非排之止得隸祕閣為楷書不就景德末扈駕謁陵還經鄭州從幸開元

寺觀新塔僧前揖言聞公深信內典願為之碑因諾之後為撰碑維為真書一時

之絕也維貧薄甚後寄死人家 皇朝事實類紀

郭咸

郭咸字建泉晉江人嗜學工文尤精草書篆隸登祥符二年進士累遷殿中侍御

史改乾州觀察判官未幾復除殿院出為閩憲

于光大泉州志

朱嚴

朱嚴文學餘力尤工篆隸

小畜集

沈文旭

沈文旭大中祥符間為太子右贊善大夫善大字

書史會要

劉太初

劉太初真宗時人中嶽醮告文真宗御製翰林待詔朝奉郎行少府監主簿賜緋臣劉太

初奉勅書并篆額刻於石幢八面在中嶽廟峻極門外其書有唐人風致

嵩陽石刻記

鄭世卿

鄭世卿真宗時人霍山中鎮廟宋陳綱詩大中祥符五年崑崙軍判官鄭世卿書

求古錄

白憲

白憲真宗時人中嶽中天崇聖帝碑銘大中祥符七年王曾奉勅撰翰林待詔朝奉大夫

守太府少卿同正輕車都尉白憲奉勅書并篆額

嵩陽石刻記

吳郢

吳郢真宗時人大相國寺碑銘咸平四年宋白撰吳郢書并篆額

兪州山人藁

楊昭度

楊昭度真宗時人淮瀆碑記大中祥符七年路振撰楊昭度書并篆額

兪州山人藁

盧經

盧經真宗時人宋勸慎刑碑晁迥撰盧經書天下金石志

杜衍

杜衍字世昌越州山陰人擢進士甲科仁宗時官集賢殿大學士太子太傅封祁

國公善為詩正書行草皆有法謚正獻宋史本傳

正獻公晚乃學草書遂為一代之絕清閒妙麗得晉人風氣東坡集

杜公以草書名家而其楷法清勁亦自可愛朱子文集

祁公暮年以草書為得意喜與壻蘇舜欽論書年位雖重而尺牘必親作韓琦嘗

以詩謝其書云因書乞得字數幅伯英筋骨羲之膚宣和書譜

晏殊

晏殊字同叔撫州臨川人七歲能屬文景德初張知白安撫江南以神童薦之帝

召殊與進士千餘人並試廷中殊神氣不懼援筆立成帝嘉賞賜同進士出身為

翰林學士慶曆中拜集賢殿大學士同平章事謚元獻文章瞻麗詩閑雅有情

思宋史本傳

元獻為人真率詞翰亦如其性歐陽文忠公集

元獻擅豪翰其蹟雜見羣玉堂法帖中

書史會要

宋綬

宋綬字公垂趙州平棘人年十五名試中書真宗愛其文聽於祕閣讀書大中祥符元年賜同進士出身仁宗時為兵部尚書參知政事謚宣獻綬筆札精妙帝多取其書字藏禁中

宋史本傳

公垂特工筆法本朝以來言書者稱李西臺與公垂云

墨池編

宋宣獻用徐季海擺落右軍父子規模自成一家

山谷集

宋常山公書法森嚴寔傳鍾張古學

渭南集

天聖五年十一月上親篆慈孝寺碑額夏竦撰文宋綬書

玉海

宋宣獻公作參政傾朝學之號曰朝體

米芾書史

韓琦

韓琦字稚圭相州安陽人風骨秀異弱冠舉進士授將作監丞仁宗時與范仲淹富弼皆以天下人望同時登用拜樞密使同中書門下平章事昭文館大學士封儀國公進封衛國公

一作魏國公

謚忠獻贈魏郡王

宋史本傳

忠獻公少年貧時學書無紙莊門前有大石就其上學字晚即滌去遇烈日及

小雨張敝繖自蔽率以為常

韓元吉相陰舊話

韓魏公書骨力壯偉

墨池編

韓魏公工正書師顏魯公頗露圭角

書史會要

魏公書法顏平原時露柳骨鋒距四出令人不敢正視

會州山人藁

范仲淹

范仲淹字希文蘇州吳縣人舉進士第天聖中通判陳州仁宗召為右司諫拜天

章閣待制樞密直學士參知政事謚文正

宋史本傳

范文正公書落筆痛快沈著極近晉宋人書蘇才翁筆法妙天下惟稱文正公書

與樂毅論同法蓋文正鉤指回腕皆優入古人法度書伯夷頌極得前人筆意

山公集

富弼

富弼字彥國河南人少篤學有大度范仲淹奇之曰王佐才也仁宗復制科舉茂

才異等慶曆二年為知制誥拜樞密副使至和二年同中書門下平章事拜司空

封韓國公謚文忠

宋史本傳

弼擅豪翰其蹟雜見羣玉堂法帖中

書史會要

王曾

王曾字孝先青州益都人咸平中由鄉貢試禮部廷對皆第一楊億見其賦歎曰

王佐器也通判濟州召試學士院授祕書省著作郎景德初知制誥遷尚書禮部

侍郎參知政事仁宗景祐中拜右僕射門下侍郎平章事集賢殿大學士封沂國

公謚文正

宋史本傳

沂公書畫皆合格

書史會要

呂夷簡

呂夷簡字坦夫壽州人進士及第補絳州軍事推官祥符中試才識兼茂明於體用科仁宗即位進右諫議大夫同中書門下平章事尚書右僕射封申國公徙許

國公謚文靖

宋史本傳

夷簡工筆札其蹟見鳳墅法帖中

書史會要

文彥博

文彥博字寬夫汾州介休人及進士第為侍御史仁宗嘉之拜樞密副使同中書門下平章事封潞國公元祐初平章軍國重事年九十二謚忠烈逮事四朝任將相五十年

宋史本傳

黃庭堅曰余嘗謂潞公云公書極似蘇靈芝公曰靈芝墨豬耳蓋不肯與靈芝爭長今觀到洛為兒子赴許昌帖筆勢清勁真不愧古人

山谷集

潞公翰墨飛動使人望而畏之

攻媿集

文潞公書風格英爽

墨池編

王舉正

王舉正字伯仲

歐陽脩集作伯中

鎮定人以蔭補祕書省校書郎進士及第知伊闕任丘縣

館閣校勘皇祐中除觀文殿學士禮部尚書知河南府入兼翰林侍讀學士以太
子少傅致仕贈太子太保謚安簡

宋史本傳

觀文學士尚書王公伯中清德之老也以書名當世

歐陽文忠公集

龐籍

龐籍字醇之單州武城人及進士第為黃州司理參軍景祐三年為侍御史累進

中書門下平章事昭文館大學士封潁國公謚莊敏

宋史本傳

籍工筆札其蹟雜見鳳墅續法帖中

書史會要

楊敞

楊敞字樂道進士及第授祕書省校書郎慶曆三年擢殿中丞仁宗賜對除起居

舍人知諫院嘉祐三年進龍圖閣直學士

宋史本傳

楊敞勤隸學

墨池編

陳執中

陳執中字昭譽以父恕任知梧州上復古要道三篇真宗異而召之擢右正言仁

宗時參知政事同中書門下平章事封岐國公謚曰恭帝篆其墓碑曰褒忠之碑

宋史本傳

范文正公伯夷頌跋有陳執中書

鐵網珊瑚

華岳宋陳執中題名在碑陰韓賞文之下

金石文字記

薛奎

薛奎字宿藝絳州正平人舉進士仁宗時爲龍圖閣學士參知政事遷尚書禮部

侍郎謚簡肅

宋史本傳

薛簡肅公詩并書偶得於家人篋中因標軸而藏之

歐陽文忠公集

賈昌朝

賈昌朝字子明真定獲鹿人真宗祈穀南郊昌朝獻頌道左召試賜同進士出身

慶曆中同中書門下平章事封魏國公謚文元

宋史本傳

范文正公伯夷頌跋有賈昌朝書

鐵網珊瑚

歐陽脩

歐陽脩字永叔廬陵人四歲而孤母鄭誨之學家貧至以荻畫地學書舉進士試南宮第一慶曆三年知諫院嘉祐二年知貢舉修唐書成拜禮部侍郎六年參知政事神宗即位改宣徽南院使太子少師致仕謚文忠始號醉翁晚號六一居士好古嗜學凡周漢以降金石遺文斷編殘簡掇拾異同謂之集古錄

宋史本傳

歐陽文忠公用尖筆乾墨作方闊字神采秀發膏潤無窮後人觀之如見其清眸

豐頰進趨睦如也

東坡集

歐陽公書筆勢險勁字體新麗自成一家

同上

歐陽文忠書不極工然喜論古今書故晚年亦少進

山谷集

歐陽公作字如其為人外若優游中寔剛勁 朱子文集

嘉祐八年奉勅篆受命寶治平三年奉勅篆皇帝尊號之寶 薛齊誼六一居士年譜

宋孫明復墓碑歐陽修書 天下金石志

包拯

包拯字希仁廬州合肥人舉進士仁宗時歷官天章閣待制龍圖閣直學士知開

封府拜樞密副使謚孝肅 宋史本傳

包孝肅擅豪翰其蹟雜見羣玉堂法帖中 書史會要

宋庠

宋庠字公序安州安陸人後徙開封之雍丘天聖初舉進士第一初名郊皇祐中

同中書門下平章事封莒國公英宗即位封鄭國公謚元獻 宋史本傳

宋丞相庠晚年尤精字學嘗手授郭忠恕佩觿三篇寶翫之 歸田錄

周必大跋宋元獻公表藁云元獻公辭理精粹真行粲然 平園集

宋祁

宋祁字子京與兄庠同舉進士人呼二宋以大小別之釋褐復州軍事判官景祐

中為侍讀學士兼龍圖閣學士史館修撰修唐書成進工部尚書拜翰林學士承

旨謚景文 宋史本傳

宋景文公自名其書鐵綫 東坡集

晁以道家有宋子京手書杜少陵詩一卷 周少隱竹坡詩話

宋景文工筆札其蹟雜見鳳墅續法帖中 書史會要

華清臣

葉清臣字道卿蘇州長洲人天聖二年舉進士授太常寺奉禮郎累遷太常丞進直史館擢為起居舍人龍圖閣學士皇祐元年為侍讀學士知河陽贈左諫議大

夫 宋史本傳

亦忠烈墓前華表宋龍圖閣學士葉清臣書 金陵瑣事

淨土禪寺石刻蓮花經葉清臣書 廖瑜杭州府志碑碣目

王隨

王隨字子正河陽人明道中參知政事性喜佛慕唐裴休之為人仍學其書 王偁東

都事略

胡宿

胡宿字武平常州晉陵人登第為揚子尉進集賢校理皇祐中遷翰林學士拜樞

密副使謚文恭 宋史本傳

宿工筆札其蹟雜見鳳墅續法帖中 書史會要

張觀

張觀字思正絳州絳縣人中服勤辭學科授祕書省校書郎仁宗即位直史館知

制誥同知樞密院事康定中觀文殿學士拜左丞謚文孝平生書必為楷字無一行草如其為人仁宗飛白書清字賜觀以賞其節

宋史本傳

張觀平生未嘗草書因為詩曰保心如止水為行見真書

東都事略

劉居正

劉居正字安行樂壽人中天聖二年丙科官祕書丞好學敏文詞書模範二王後兼採唐人用筆法有得其行草帖者至今猶藏弄以比李西臺建中

蘇魏集

王礪

王礪其先太原祁人遷應天宋城洙之父也贈太師中書令兼尚書令

歐陽文忠公

集

王洙曰先公素不習隸書初但微作八分皇祐中受詔書獻穆公主碑李氏求以古隸寫於是始作隸書既出人競愛宋丞相曰近世人冢桓楹之刻所未及也君謨亦云君隸字乃得漢世舊法僕所作但唐隸耳公受詔與君謨分寫邇英閣二圖公書無逸篇君謨真字書孝經既成上作飛白二軸荅之後又受詔分寫集禧觀諸殿榜公書奉福虛福殿二榜君謨書神藻殿二榜公亦習古文小篆今上景祐徽號玉冊宣獻宋公受詔寫宋公不習篆公代書也公所書石隸字則獻穆大長公主碑曹襄悼碑范文正碑晏元獻碑伊先生隔山菴記正字則張少監墓誌濠州四望亭詩莊生臺詩宋宣獻詩書額濠州四望亭南京

御史臺讀易堂襄州峴山亭臨芳亭華嚴寺羊太傅廟西京教忠積慶寺東都李氏閒燕堂來驚堂連亭竦筵亭劉氏莖華堂王氏談錄

王洙

王洙字原叔應天宋城人中甲科累擢翰林學士以兄子堯臣參知政事改侍讀學士兼侍講學士汎覽傳記至圖緯方技陰陽五行算數音律詁訓篆隸之學無所不通謚曰文宋史本傳

王洙晚喜隸書尤得古法當時學者翕然宗尚而隸法復興墨池編

楊安國請書無逸篇於邇英閣後屏帝命蔡襄書無逸王洙書孝經四章列置左

右宋史楊安國傳

原叔博學通篆隸書書史會要

王堯臣

王堯臣字伯庸舉進士第一累官參知政事吏部侍郎謚文安以文學進典內外

制十餘年為文詞溫麗宋史本傳

蘇耆家蘭亭跋有王堯臣書米芾書史

石介

石介字守道兗州奉符人進士及第歷鄆州南京推官耕徂徠山下號徂徠先生

入為國子監直講擢太子中允直集賢院宋史本傳

徂徠擅豪翰其蹟雜見羣玉堂法帖中書史會要

胡瑗

胡瑗字翼之泰州海陵人教授湖州嘉祐初擢太子中允天章閣侍講宋史本傳

睢陽五老圖後有胡瑗書鐵網珊瑚

邵餗

邵餗丹陽人馬馮丹陽新志云王琪守潤薦於朝賜號冲素處士以篆顯於天聖間范文正公作嚴子陵釣臺記請之

書曰先生篆高出四海或能枉神筆於片石則嚴子陵之風復千百年未泯餗為

之篆至今為奇觀墨池編

邵必

邵必字不疑丹陽人墨池編云餗之族舉進士為上元主簿國子監立石經必善篆隸召充直

講修起居注編仁宗御集加龍圖閣學士宋史本傳

唐異

書史會要誤作唐異其

唐異字子正隱士善書范文正嘗稱其與西臺相左右墨池編

胡恢

胡恢金陵人華州推官嘗篆太學石經咸光南唐書注

恢善篆隸坐法失官十餘年韓魏公琦當國恢獻詩自達公憐之令篆石經因得

復官書史會要

茅山五雲觀記晏殊撰慶曆二年雷平胡恢書丹

劉大彬茅山志

邵雍

邵雍字堯夫河南人衍宓義先天之旨著書十餘萬言名其居曰安樂窩因自號安樂先生嘉祐詔求遺逸授將作監主簿復舉逸士補潁州團練推官皆固辭乃受命竟稱疾不之官贈祕書省著作郎元祐中賜謚康節

宋史本傳

康節少日喜作大字

邵氏見聞錄

朱子跋邵康節檢束二大字云康節先生自言大筆快意而其書跡謹嚴如此豈從心所欲不踰矩者邪

朱子文集

康節先生心聲正大可以銘盤心畫道勁可以貫準

平園集

康節工筆札其蹟雜見鳳墅續法帖中

書史會要

蘇舜欽

蘇舜欽字子美

一字備仲米芾書史云余收唐摹子敬帖後有倩仲跋黃庭堅題云尾題倩仲寔子美

易簡孫者子以父任補太廟齋郎調

滎陽縣尉尋舉進士改光祿寺主簿知長垣縣遷大理評事范仲淹薦其才名試為集賢校理既放廢寓於吳中二年得湖州長史卒舜欽在蘇州作滄浪亭益讀書時發憤懣於歌詩其體豪放善草書每酣酒落筆爭為人所傳

宋史本傳

舜欽工行楷草書皆入妙品

墨池編

子美許公之孫自有家法草聖可亞張長史

洞天清錄

本朝草聖知名者蘇舜元舜元之書不逮舜欽張舜民畫墁錄

二蘇皆工草隸而舜欽先得名王氏談錄

子美喜行草書短章醉墨為人所傳歐陽文忠公集

子美於蜀綾紙上楷寫字極端勁可愛山谷集

蘇舜元

蘇舜元字才翁舜欽兄一字叔才黃庭堅跋二蘇送梁子熙聯句詩云叔才蓋才翁舊字為人精悍任氣節歌詩亦豪健尤善草書

舜欽不能及官至尚書度支員外郎三司度支判官宋史本傳

才翁善草隸藏書數千卷皆手自讎校蔡襄忠惠公集

舜元善篆隸宣和書譜

才翁書字清勁老健實過子美張耒明道雜志

二蘇草聖獨步本朝裕陵絕重才翁書得子美書輒棄去書家謂才翁筆簡惟簡

故妙後村集

陸經

陸經字子履越人官集賢殿修撰善具行書當時與蘇舜欽為輩流而筆法亦同

前輩高文必求經書經之石刻殆遍天下歐陽脩思頴諸詩得經書方喜多作正

書以規矩自窘宣和書譜

錢明逸

錢明逸字子飛易子繇殿中丞策制科轉太常博士累官端明殿學士謚修懿 宋史本傳

錢子飛作字猶有父風 攻媿集

江休復

江休復字隣幾開封陳留人進士起家舉書判拔萃累遷尚書刑部郎中善隸書

東都事略

梅堯臣

梅堯臣字聖俞宣州宣城人蔭為河南主簿召試賜進士出身為國子監直講累

遷尚書都官員外郎 宋史本傳

海州柳陳甫四賢尺牘一卷司馬君實梅聖俞王介甫王晉卿蹟並佳 寓意編

蘇洵

蘇洵字明允眉州眉山人至和嘉祐間與二子軾轍至京師除祕書省校書郎為

霸州文安縣主簿 宋史本傳

老泉工書法氣韻有餘蜀人不能書元祐間軾以字畫名世其寔濫觴於洵 書史

會安

老泉書懷素詩并倣其草法 珊瑚網

雷簡夫

雷簡夫字太簡同州郃陽人康定中杜行薦之以校書郎簽書秦州觀察判官張方平薦知雅州累遷尚書職方員外郎

宋史本傳

簡夫善真行書守雅州聞江聲以悟筆法迹甚峻快蜀中珍之

墨池編

簡夫少年時學王右軍樂毅論鍾東亭賀平賊表歐陽率更醴泉銘褚河南聖教

序魏庶子郭知運碑顏太師家廟碑後又見顏行書馬病帖乞米帖苦愛重之但

自恨未及其自然近刺雅安晝臥郡閣因聞平羌江瀑漲聲想其波濤番番迅駛

要

書史會

唐詢

唐詢字彥猷

墨池編 作彥游

杭州錢塘人龍圖閣待制肅子天聖中賜進士及第累遷右諫

議大夫

宋史本傳

唐彥猷得歐陽率更書數行精思學之遂以書名天下

山谷集

唐彥游筆迹道媚頗學歐行書非精紙佳筆不妄書也

墨池編

唐詔

唐詔字彥範詢弟文章氣格高簡疏秀亦善書

書史會要

陳漢卿

陳漢卿字師黯閩中人用叔祖堯咨蔭累遷尚書虞部員外郎好學喜為歌詩至

佩文韻府書話
卷三
於射藝書法醫藥皆精妙尤好古書奇畫每傾貲購之

歐陽文忠公集

張先

張先字子野開封人好學自力善筆札天聖二年舉進士歷官祕書丞

歐陽文忠公集

刁約

刁約字景純丹徒人少卓越刻苦學問能文章始應舉京師與歐陽永叔富彥國

聲譽相高下天聖二年登進士第不治產業賓客故人常滿其門

東坡詩注

刁景純善書

元豐類纂

張汝士

張汝士字堯夫開封襄邑人錢文僖公守河南辟為府推官又辟司錄工書喜為

詩

歐陽文忠公集

王顧

王顧太原人歐陽脩河南府司錄張堯夫墓表云堯夫明道二年卒葬洛陽北邙

山下尹師魯誌其墓歐陽脩為之銘得金谷古磚命太原王顧以丹為隸書納於

壙中

歐陽文忠公集

薛良孺

薛良孺字得之絳州正平人少育於叔父簡肅公奎蔭為將作監主簿累遷國子

博士工書

歐陽文忠公集

章友直

章友直

宣和書譜云字伯益

建安人自放不羈不肯求選舉皇祐中近臣言友直善篆與李斯

陽冰相上下名友直友直即往經成除試將作監主簿不就

臨川集

章友直工玉箸字學與楊南仲篆石經於國子監太常少卿元居中出領宿州喜

其書摹諸石以廣其傳友直既以書名世家人女子莫不知筆法自李斯篆法亡

而得一陽冰陽冰後得一徐鉉友直在鉉之門其猶游夏歟

宣和書譜

楊南仲

楊南仲工篆書嘉祐中與章友直篆石經於國子監甚有法度

書史會要

張次立

張次立官至殿中丞嘉祐中詔同篆國子石經

書史會要

元居中

元居中為太常少卿知宿州東吳多其篆迹

墨池編

范文度

范文度能書蔡君謨稱之

書史會要

歐陽脩跋范文度模本蘭亭序云范君所書在余集錄實為難得也

集古錄

范文度所書蘭亭不相類然舍其形似而得右軍用筆之意真善學柳下惠者

尤

衆遂初集

趙世融

趙世融字仲源官至檢校國子祭酒天水郡開國侯喜為詩工書至和二年卒追

封博平侯

歐陽文忠公集

司馬尋

司馬尋慶曆中知利州其迹亦倣子發

墨池編

司馬尋善倣越書觀者不復別真贋

宣和書譜

高繼宣

高繼宣字舜舉燕人幼善騎射頗工筆札知讀書以恩補西頭供奉官累遷眉州

防禦使

宋史本傳

凌叔華

凌叔華郎中博雅君子也蔡君謨吳春卿皆師之素稱翰墨之妙

湘山野錄

黃茂先

黃茂先字寶之作宮邸教官大字豪勁所謂江南黃茂先江北段少連者也

山谷集

段少連

段少連字希逸開封人試祕書省校書郎累遷龍圖閣直學士

宋史本傳

段少連善大字

山谷集

杜叔元

杜叔元字君懿善書學李建中法為宣州通判

東坡集

梅堯臣送杜君懿通判宣州詩云京兆外郎稱善書當時相與集江都日書藤紙爭持去長鈎細畫如珊瑚

宛陵集

董儲

張表臣珊瑚鈎詩話作董如

郎中密州安丘人能詩有名寶元慶曆間其書尤工勝李西臺

東

坡集

張伯玉

張伯玉字公達豪放嗜酒而為御史有直氣為劇郡能擊強染翰雖少媚態而老重不拘窘亦可尚已

墨池編

慎東美

慎東美字伯筠錢塘人狂縱不就規矩有文辨書得筆法不偶俗好而老逸如其為人人甚高之

墨池編

王令贈東美詩云人傳書染莫對當破卵驚出鸞鳳翔間或老筆不肯屈鐵索縛

急蛟龍僵

廣陵集

慎東美書法老勁丹陽戴叔倫碑是其遺蹟

陸游老學菴筆記

李唐卿

李唐卿至和中書待詔撰飛白三百點以進窮盡物象上佳之

歐陽脩歸田錄

李唐卿篆千字文特奇巧園方不失而飛揚自如一時絕藝也晁補之雞肋集

黃公孝

黃公孝仁宗朝官至太常博士有詩名書師王右軍書史會要

仲翼

仲翼仁宗時工草隸陶宗儀云官太府寺丞工飛白草書頗有時譽墨池編

孟應之

孟應之官御書院祇候天聖三年奉旨書太后受上清錄記并篆額今在茅山書

史會要

趙克繼

趙克繼秦王廷美之曾孫善楷書尤工篆隸宗正薦之仁宗親臨試及令臨蔡邕古文法寫論語詩書復詔與朝士分隸石經帝曰李陽冰唐室之秀今克繼朕之陽冰也訓子弟力學一門登儒科者十有二人嘗進所集廣韻字源帝稱善藏之祕閣元祐六年以定武軍節度觀察留後贈建國公謚章靖宋史本傳

趙克已

趙克已秦王廷美之曾孫曉音律嘗作雅樂圖樂曲以獻侍宴太清樓進所學虞世南書賜器加等終右千牛衛大將軍宋史本傳

趙叔韶

趙叔韶字君和克己子慶曆六年與諸宗子帝前臨真宗御書選第一皇祐初召試學士院中等賜進士及第仁宗曰宗子好學者頗多獨爾以文章第進士前此蓋未有也出九經賜之終和州防禦使宋史本傳

趙克修

趙克修字子莊仁宗御太清樓召宗室試書以克修為善終成州團練使宋史本傳

趙宗望

趙宗望字子國恭憲王孫越文惠王無子仁宗以宗望為之後終右武衛大將軍舒州防禦使贈高密郡公仁宗嘗御延和殿試宗子書以宗望為第一又常獻所為文賜國子監書及以塗金紋羅御書好學樂善四字賜之即所居建御書閣帝為題其榜宋史本傳

李端懿

李端懿字元伯開封人駙馬都尉和文公遵勗子母齊國大長公主太宗之女真宗之妹喜為詩工書畫陰陽醫術星經地理無所不通七歲為如京副使累拜鎮潼軍節度觀察留後歐陽文忠公集

李瑋

李瑋米芾書史云字公焰錢唐人隴西郡王用和子選尚充國公主宋史公主傳云仁宗女積官濮州團練使至

建武軍節度使檢校太師宋史本傳

李公焯善章草飛白散隸

書史會要

顏褒

顏褒自號唯菴遂於經學詞藻豐贍書法尤精

邵銳永春志

于正封

于正封善正書酷類顏真卿所書碑字勢雄拔如蛟螭虎豹盤拏後先精神為之

飛動

宋濂浦陽人物志

徐易

徐易海州人能篆隸

書史會要

張中樂

張中樂仁宗時人梅堯臣觀張中樂書大字詩云芝旭馳名世有孫大書如曉過秋原

宛陵集

錢貽範

錢貽範仁宗時人重修北嶽廟碑皇祐二年韓琦篆并正書錢貽範篆額

兪州山人藁

蔡仍

蔡仍仁宗時人茅山上清大洞國師碑天聖七年雲陽南郭陳輔造七閩西山蔡仍書并

題額

茅山志

許歸

許歸仁宗時人陳亮金華北山普濟院記云吳越王建寺於巖麓曰九龍慶曆六年郡守

關公命河南許歸以氈筆書紕微巖三巨字鑱之石龍川集

雷憲

雷憲仁宗時人宋馬端司馬晉州待制哀辭嘉祐元年著作佐郎管勾河東路機宜文字

雷憲書小石刻在夏縣司馬公祠堂西館中求古錄

黃通

黃通仁宗時人嵩陽石柱題名嘉祐己亥黃通介夫書嵩陽石刻記

夏竦

夏竦字子喬江州德安人明敏好學自經史百家陰陽律曆外至佛老之書無不

通曉為文章典雅藻麗舉賢良方正擢光祿寺丞累官平章事謚文莊竦以文學

起家多識古文學奇字至夜以指畫膚宋史本傳

佩文齋書畫譜卷第三十三

書家傳十二

宋二

蔡襄

蔡襄字君謨興化仙遊人舉進士為西京留守推官慶曆二年知諫院英宗時拜

端明殿學士知杭州贈吏部侍郎襄工於書為當時第一仁宗尤愛之製元舅隴

西王碑文命書之及令書温成后父碑則曰此待詔職耳不奉詔乾道中賜謚忠
惠 宋史本傳

君謨真行草皆優入妙品篤好博學冠卓一時少務剛勁有氣勢晚歸於淳淡婉
美然頗自惜重不輕爲書與人 墨池編

蘇子美兄弟後君謨書獨步當世筆有師法行書第一小楷第二草書第三
所長求其所短大字爲少疎也 歐陽文忠公集

君謨真行草隸無不如意其遺力餘意變爲飛白可愛而不可學近歲書以君謨
爲第一而論者或不然殆未易與不知者言也 東坡集

蔡君謨行書簡札甚秀麗作草自云得蘇才翁屋漏法
山公集

古人以散筆作隸書謂之散隸近歲蔡君謨又以散筆作草書謂之散草或曰飛
草其法皆生於飛白亦自成一 家 沈括夢溪筆談

君謨作飛草盡風雲龍蛇之變
蘇頌魏公集

蔡忠惠公大字端重沉着宜爲本朝法書第一洛陽橋記與吐谷渾詞皆大書之

冠冕也
平園集

君謨始學周越書其變體出於顏平原
韻語陽秋

書學自漢蔡邕至唐崔紆皆親相授受惟蔡襄毅然獨起可謂間世豪傑之士
鄭

杓書法流傳圖

蔡忠惠公書畫錦堂記每一字書數字擇其合作者存之名為百衲碑

容臺集

蔡懋

蔡懋字子堅襄子為會昌尉贈朝散大夫工字畫論者謂其得君謨用筆之妙

書

劉澤

劉澤閩人善大字嘗書萬安橋三字在海石上徑三尺許有隼尾存筋之法時蔡

襄造橋不自書澤書之

書史會要

劉敞

劉敞字原父臨江新喻人舉慶曆進士廷試第一擢知制誥拜翰林院學士侍英

宗講讀改集賢院學士學問淵博嘗得先秦彝鼎銘識奇奧皆案而讀之因以考

知三代制度

宋史本傳

劉原父弼仲臣銘以隸寫之

東觀餘論

滕元發

滕元發初名甫改字為名字達道東陽人舉進士授大理評事通判湖州名試為

集賢校理修起居注英宗書其姓名藏禁中累官龍圖閣直學士謚章敏

宋史本傳

滕元發尺牘流便

墨池編

元發擅豪翰其蹟雜見羣玉堂法帖中

書史會要

王廣淵

書史會要作廣激

王廣淵字才叔大名成安人慶曆中進士英宗時龍圖閣直學士

宋史本傳

廣微師宋綬作小字有法英宗嘗令書欽明殿屏

書史會要

王才叔兄弟皆喜作大字魁梧壅腫以筆力豪健為主范中濟中潛其季孟也當

治平之元才叔字價千金蔡君謨書不直一錢

山谷集

王才叔書以婉美稱

墨池編

王臨

王臨字大觀廣淵弟起進士簽書雄州判官治平中累官寶文閣待制

宋史本傳

臨小字師宋綬大字法石延年

書史會要

時君卿

時君卿鄭州人與王廣淵為中表善筆札為潁邸書史裕陵以其有士風每與之言時王荆公賢譽翕然君卿數稱道於上前宸心由是注意

王明清揮麈後錄

岑宗旦

岑宗旦字子文開封人慶曆初以父遺表通籍壁門年十七棄官遊東南山水間至和中仁祖復官之元豐初又以尋醫自請嘗取古善書者自漢迄唐凡十有一人為論以評其書作字尤善行書規模點畫當是蘇舜欽之亞字畫一出得之者

賈售治平中英宗遣使諭旨令書十扇以進宗旦即書自為十篇上之英宗

嘉賞宣和書譜

蘇大雅

蘇大雅蔡宗時人焦山蘇大雅題名治平甲申石刻隸書許國誠京口三山志

王珪

王珪字禹玉成都華陽人徙舒弱歲奇警出語驚人舉進士甲科為翰林學士嘉祐中帝宴寶文閣作飛白書分侍臣命珪識歲月姓名歐陽脩年譜云嘉祐七年上幸寶文閣親飛白書分賜羣臣歐陽脩得雙

國公謚曰文宋史本傳神宗時向中書門下平章事集賢殿大學士封岐

唐介

唐介字子方江陵人擢第為殿中侍御史直聲動天下熙寧元年參知政事謚質肅宋史本傳

子方擅豪翰其蹟雜見羣玉堂法帖中書史會要

宋敏求

宋敏求字次道宣獻公綬子賜進士及第為館閣校勘王堯臣修唐書以敏求習唐事奏為編修官治平中知制誥神宗時加龍圖閣直學士修兩朝正史家藏書

三萬卷皆略誦習熟於朝廷典故士大夫疑議必就正焉宋史本傳

公雅以善書稱結字清勁得其家法奉詔書御製韓忠獻公碑及當時公卿士人

風文齋書畫譜 卷三十三 書家傳十二 三 同文圖書館印

旬請題寫被金石者多矣嘗對延和上問宣獻遺墨翌日奏七軸以獻自公之亡未有繼其書者

蘇魏公集

敏求書法温厚清峻凡當時巨卿名碣必得敏求字方以為榮

書史會要

趙抃

趙抃字閱道衢州西安人進士及第為殿中侍御史加龍圖閣學士知成都神宗立召知諫院拜資政殿大學士以太子少保致仕謚清獻

宋史本傳

資政殿大學士太子少保趙公詩清新律切筆迹勁麗蕭然如其為人

涪城集

趙清獻擅豪翰其蹟雜見羣玉堂法帖中

書史會要

馮京

馮京字當世鄂州江夏人舉進士自鄉舉禮部至廷試皆第一仁宗拜龍圖閣待制神宗立為翰林學士知樞密院哲宗改宣徽南院使太子少師謚文簡

宋史本傳

文氏停雲館第五卷有馮當世帖

兪州山人藁

韓絳

韓絳字子華開封雍丘人

億第子

舉進士甲科直集賢院仁宗時知制誥加端明殿大

學士神宗立拜同中書門下平章事昭文館大學士封康國公謚獻肅

宋史本傳

范文正公伯夷頌跋有韓絳書

鐵網珊瑚

韓維

韓維字持國德第五子受蔭入官召試學士院歐陽脩薦爲檢討英宗時知制誥神宗即位除龍圖閣直學士熙寧二年遷翰林學士兼侍讀加大學士元祐中拜門下侍郎宋史本傳

絳維並擅篆翰其蹟雜見羣玉堂法帖中書史會要

韓縝

韓縝字玉汝德第六子登進士第簽書南京判官元豐中累遷同知樞密進知院事哲宗

立拜尚書右僕射兼中書侍郎以太子太保致仕謚莊簡宋史本傳

范文正公伯夷頌跋有韓縝書鐵網珊瑚

王安石

王安石字介甫撫州臨川人擢進士上第簽書淮南判官召試館職知制誥神宗即位召爲翰林學士熙寧三年同中書門下平章事加尚書左僕射封舒國公改封荆紹聖中謚曰文追封舒王宋史本傳

荆公書得無法之法然不可學東坡集

王荆公書法奇古似晉宋間人筆墨山谷集

半山莊臺上多文公書文公學楊凝式人少知之海岳名言

荆公運筆如插兩翼凌轢於霜空鷗鷺之後李之儀姑溪集

王荆公書清勁峭拔飄飄不凡世謂之橫風疾雨黃魯直謂學王濛米元章謂學

楊凝式以余觀之乃天然如此 張邦基墨莊漫錄

荆公作行字率多淡墨疾書未嘗經意 宣和書譜

荆公書風神閒逸韻度清美 黃潛文獻公集

安石學沈遼筆法得其清勁 陳善杭州志

曾肇

曾肇字子固建昌南豐人中嘉祐二年進士第調太平州司法參軍召編校史館書籍遷館閣校勘集賢校理出通判越州徙明毫滄三州過闕神宗召見勞問甚寵遂留判三班院拜中書舍人翰林學士為文章斟酌於司馬遷韓愈一時工作

文詞者鮮能過也 宋史本傳

南豐遺墨簡嚴靜重如其為文 朱子文集

肇擅豪翰其蹟雜見羣玉堂法帖中 書史會要

曾肇

曾肇字子開肇幼弟舉進士調黃巖簿擢國子監直講同知太常禮院神宗嘉之遷國史編修官為神宗實錄檢討元祐初擢起居舍人拜龍圖閣直學士謚文昭

宋史本傳

文昭公字嘗於長樂僧舍見之 朱子文集

文昭公書如玉環擁燹自是太平人物 王氏法書苑

曾布

曾布字子宣南豐人年十三而孤學於兄鞏同登第元豐末翰林學士遷戶部尚

書徽宗立拜右僕射謚文肅

宋史本傳

曾布學沈遼筆法得其真楷

陳善杭州志

文肅公書如高麗使人抗浪甚有意氣

王氏法書苑

曾宰

曾宰撫州南豐人鞏弟嘉祐六年進士湘潭主簿

南豐縣志

湘潭公書如吳興小兒形雖未成而骨體甚雋

王氏法書苑

邵亢

邵亢字興宗丹陽人十歲日誦書五千言賦詩豪縱范仲淹舉亢茂才異等熙寧

中官樞密副使謚安簡

宋史本傳

范仲淹伯夷頌跋有邵亢書

鐵網珊瑚

沈括

沈括字存中擢進士第編校昭文書籍考禮沿革為書曰南郊式神宗稱善遷太

子中允龍圖閣待制加龍圖閣直學士元祐初以光祿少卿分司居潤著筆談傳

於世

宋史本傳

括擅篆翰其蹟雜見羣玉堂法帖中

書史會要

沈遼

沈遼字叡達熙寧中以太常奉禮郎監杭州軍資庫徙池州築室齊山上名曰雲

巢為文雄奇峭麗尤長歌詩

宋史本傳

沈括云從弟遼喜學書嘗曰書之神韻雖得於心然法度必資講學

黃少溪筆談

沈遼少時學其家傳師晚自云學子敬

東坡集

沈雲巢妙於楷隸諸書備古今體寸墨尺紙落筆輒為人爭取

攻媿集

蔡仲遠

蔡仲遠

與沈遼同時

朱長文云蔡仲遠沈叡達之徒皆彬彬可觀

墨池編

錢公輔

錢公輔字君倚常州武進人少從胡翼之學有名吳中第進士甲科累官天章閣

待制

宋史本傳

蘇軾跋錢君倚書遺教經云錢公雖不學書然觀其書知其挺然忠信禮義人也

所書佛遺教經刻石峭峙有不回之勢

東坡集

李大臨

李大臨字才元成都華陽人登進士第神宗擢知制誥天章閣待制

宋史本傳

成都李才元世以書鳴

畫繼

陳襄

陳襄字述古福州侯官人舉進士調浦城主簿神宗時知制誥以樞密直學士知通進銀臺司兼侍讀判尚書都省贈給事中既亡友人劉尋視其篋得手書累數十幅盈紙細書大抵皆民事也

宋史本傳

劉克莊跋陳述古帖云古靈公字不多見此帖姿媚如此可寶也

後村集

周敦頤

周敦頤字茂叔道州營道人元名敦實以舅鄭向任為分寧主簿熙寧初知郴州用趙抃及呂公著薦為廣東轉運判官求知南康軍家廬山蓮花峰下謚元公封

汝南伯

宋史本傳

濂溪先生帖遂寧傅氏藏

魏鶴山集

張載

張載字子厚長安人舉進士為祁州司法參軍熙寧初知太常禮院世稱為橫渠先生謚曰明封郟伯

宋史本傳

橫渠先生帖屏山劉氏得之熹因借本摹刻以傳學者

朱子文集

文同

文同字與可梓州梓潼人自號笑笑先生善詩文篆隸行草飛白初舉進士知洋州元豐初知湖州

宋史本傳

與可學草書凡十年終未得古人用筆相傳之法後因見道上鬪蛇遂得其妙與

可之所見豈真蛇邪抑草書之精也

東坡集

張唐英

張唐英字次功蜀州新津人少攻苦讀書及進士第神宗即位擢殿中侍御史

宋史本傳

唐英善筆札

書史會要

王子韶

王子韶字聖美太原人

宣和書譜云浙右人海岳名言云登州人

中進士第擢監察御史神宗與論字學留為

資善堂修定說文官元祐中進祕書監拜集賢殿修撰

宋史本傳

王安石以字書行天下子韶亦作字解二十卷與安石書相違背喜作正書至於

三過筆可以挂萬鈞之重宗禘遂良顏真卿莫年自變為一家

宣和書譜

王子韶大隸題榜有古意

海岳名言

張友正

張友正字義祖陰城人居小閣學書積三十年不輟遂以書名神宗評其草書為

本朝第一

宋史本傳

唐炯

唐炯詢子

東坡集云字林夫

以父任得官熙寧初上書王安石喜之薦使對賜進士出身為崇

文校書除太子中允同知諫院

宋史本傳

蘇軾曰唐林夫以書遺余云有唐永禪師歐陽渤海褚河南張長史顏魯公柳少師書爲我評之林夫書過我遠矣而反求於予何哉

東坡集

林夫學書知古人筆意少所許可甚愛東坡書

山谷集

垌行筆無家法而近類蔡君謨

姑溪集

葛蘊

葛蘊字叔忱長於詩善書或以淡墨塵紙戲爲之假古人之名聞者以傳而人莫能辨也

書史會要

李翰林醉墨是葛叔忱贗作以嘗其婦翁諸蘇果不能別蓋叔忱翰墨亦自度越

諸賢

山谷集

李隲

李隲字顯夫成都人官至朝散大夫以能書名得真行草三昧而真尤勝蘇軾嘗

師之

書史會要

王珣

王珣明州鄞縣人熙寧間上篆書證宗要略三卷命爲御書院祇候

書史會要

呂權

呂權福唐人元豐間工題署書

書史會要

王壽卿

書家傳十二

王壽卿字魯翁陳留人祖擇之之外甥召至京師使篆字說辭以與王氏之學異後以命李孝揚而壽卿終身布衣書史會要

陳留王壽卿得陽冰筆意非章友直陳晞畢仲荀文勛所能管攝也山谷集

陳晞 畢仲詢 李孝揚

陳晞畢仲詢一作畢仲荀李孝揚俱工篆與王壽卿同時書史會要

王盛

王盛神宗時人曾鞏墨池記云臨川城東有池曰王羲之墨池墨池之上為州學舍教授

王君盛書晉王右軍墨池六字於楹間以揭之元豐類藁

王紳

王紳蜀人也來長安遂家焉為岐山宰其居第園圃號中隱堂東坡集

狀嵩高靈勝詩在中嶽廟壁有宋熙寧丁巳王紳題字金石文字記

鍾離景伯

鍾離景伯字公序米芾書史云景伯官中散大夫善書書史會要

鍾離景伯中原以書名者平園集

孔武仲觀鍾離中散草書帖詩云兒童不識草書法但見滿紙鱗蛇結安知筆法

追古初睨視衆體稱雄傑事忙往往無暇寫屬思幽愴乃奇絕鍾離昂散人後

寄迹一官今白首潛心妙趣百事忘興來書空不停手當年飄泊重湖外翰墨已

有時流凌風波頓挫格逾道羽翩翩入吾輩一時已聞紙價高千古定有書名
在何當灑掃竹洞邊雲醅滿泛黃金船萬事爭繁置豪末三盃縱逸如張顛相知
本不誇勢力休論脫帽王公前

清江集

王棣

王棣字彥魯與荆公同學着山蘇公同科官祠部郎中字有橫風疾雨之勢

平園集

羅遜

羅遜襄陽人書襄陽學記元章始效其作

韻語陽秋

宋嘉言

宋嘉言善飛白

祖無擇龍學文集

呂惠卿

呂惠卿字吉甫泉州晉江人起進士為真州推官秩滿入都見王安石論經義意

多合遂定交熙寧初安石為政力薦為參知政事

宋史本傳

惠明寺塔碑宋元豐八年呂惠卿撰并書

求古錄

呂升卿

呂升卿弟為京東察訪遊泰山題名於真宗御製封禪碑之陰刊刻搨本傳於四

方後二年升卿判國子監會蔡承禧為御史言其題名事以為大不恭遂罷升卿

判監

魏泰東軒筆錄

銷暑樓記元祐五年呂升卿撰并書

徐獻忠吳興堂故集

吳中復

吳中復神宗時人百花潭口舊有任氏一碑乃宋熙寧間吳中復撰八分書

何宇度益部談資

王順

王順為武功令縣故有姚武功書刻久且蝕矣乃更以五體書刻而識之

康海武功

志

任廣 楊蟠

任廣楊蟠

俱神宗時人

於潛長樂寺記熙寧丙辰奉議郎知絳州曲沃縣事東海徐發製

文淮南兩浙等路計置開封府界保甲賞物開封府東明縣主簿任廣書權管勾

荆湖廣西路提點鑄坑冶事兼專切催般上供及銅鉛錫宣德郎飛騎尉號略楊

蟠篆額

廖瑜杭州府志碑碣目

昆深之

昆深之

神宗時人

於潛西資閣記元豐六年釋道潛撰昆深之書

廖瑜杭州府志碑碣目

司馬光

司馬光字君實陝州夏縣人仁宗寶元初中進士甲科為通志八卷英宗悅之命

置局祕閣續其書神宗名之曰資治通鑑元祐元年拜尚書左僕射兼門下侍郎

贈溫國公諡文正

宋史本傳

温公隸法清勁似其爲人所謂左準繩右規矩聲爲律身爲度者觀其書可想見其風采

山谷集

南屏山興教寺磨崖家人卦中庸大學篇司馬温公書錢唐自五季以來無干戈之禍其民富麗多淫靡之尚於齊家之道或闕焉故司馬公書此以助風教非偶然爲之也

葉紹翁四朝聞見錄

炭谷有司馬温公二十八字

張禮游城南記

温公通鑑書藁作字方整未嘗爲縱逸之態宜其十有九年始克成書歟

黃文獻公

集

呂公著

呂公著字晦叔幼嗜學至忘寢食父夷簡器異之登進士第仁宗除崇文院檢討改天章閣待制英宗親政加龍圖閣直學士神宗立爲端明殿學士元祐中拜司空平章軍國事贈太師申國公謚正獻

宋史本傳

惠照院見太師呂公留題深清雄麗公以道德爲神考所敬文章翰墨雷霆一時

釋德洪石門文字禪

范祖禹

范祖禹字淳父一字夢得成都華陽人登進士甲科從司馬光編修資治通鑑哲宗時拜龍圖閣學士進唐鑑十二卷學者尊之目爲唐鑑公

宋史本傳

淳父擅豪翰其蹟雜見羣玉堂法帖中

書史會要

劉安世

劉安世字器之魏人登進士第不就選從學於司馬光光教之以誠且令自不妄語始宣仁太后問臺諫於呂公著公著以安世對擢右正言累官寶文閣待制樞密都承旨儀狀魁碩音吐如鐘久坐身不傾倚作字不草書

宋史本傳

張長史春草帖跋有劉器之書

鐵網珊瑚

范純仁

范純仁字堯夫仲淹次子皇祐元年進士第元祐中為觀文殿大學士謚忠宣

宋史本傳

停雲館帖第五卷有范忠宣帖

兪州山人藁

范純粹

范純粹字德孺以蔭遷至贊善大夫元祐中為戶部侍郎以徽猷閣待制致仕

宋

史本傳

范德孺資稟端重觀其心畫如其為人

鶴山集

劉摯

劉摯字莘老永靜東光人嘉祐中擢甲科元祐六年拜尚書右僕射謚忠肅嗜書

家藏書多自鑱校得善本或手抄錄孜孜無倦

宋史本傳

劉摯擅篆翰其蹟雜見羣玉堂法帖中

書史會要

程顥

程顥字伯淳世居中山徙河南舉進士熙寧初為監察御史裏行哲宗立名為宗

正丞未行而卒文彥博題其墓曰明道先生謚曰純封河南伯

宋史本傳

明道先生曰某書字時甚敬作書字銘曰握管濡豪伸紙行墨亦在其中點點畫

畫放意則荒取妍則惑

朱子文集

宋李仲通墓碑程顥書

天下金石志

程頤

程頤字正叔顥弟哲宗初名為祕書省校書郎擢崇政殿說書加直祕閣世稱為

伊川先生謚曰正封伊陽伯

宋史本傳

朱子云舊嘗得伊川先生數帖刻之廬山白鹿洞

朱子文集

伊川先生帖金堂謝氏有之明道先生帖余得其一焉

鶴山集

呂大防

呂大防字微仲其先汲郡人祖通葬京兆藍田遂家焉進士及第元祐元年拜尚

書右丞進中書侍郎封汲郡公超拜尚書左僕射兼門下侍郎紹興初贈太師宣

國公謚曰正愍

宋史本傳

懷素絹帖在安師文處後有呂汲公大防題字

朱芾書史

呂大臨

呂大臨字與叔學於程頤與謝良佐游酢楊時在程門號四先生元祐中為太學

博士遷祕書省正字

宋史本傳

樓鑰跋呂芸閣大臨帖云芸閣先生經學之餘詞翰皆有餘韻

攻塊集

胡宗愈

胡宗愈字完夫宿從子舉進士甲科英宗名試學士院神宗立以為集賢校理同

知諫院元祐中為禮部尚書遷吏部

宋史本傳

胡宗愈重刻漢石經於錦官西樓宇文紹奕跋言內翰胡公得蔡中郎石經四千

二百七十字有奇以楷書釋之又得古文篆隸三體石經遺字八百一十九並鑿

諸石

金石文字記

蘇頌

蘇頌字子容泉州南安人徙居丹陽第進士元祐初拜刑部尚書七年拜右僕射

兼中書門下侍郎徽宗立進太子太保爵累趙郡公贈司空

宋史本傳

蘇頌工筆札其蹟雜見鳳墅續法帖中

書史會要

李東

李東字大春

黃庭堅外祖
李公擇之父

黃庭堅云外祖特進公學暢整遺教經及蘇靈芝北嶽碑字

法清勁筆意皆到

山谷集

李常

李常字公擇南康建昌人少讀書廬山白石僧舍既擢第留所抄書九千卷名舍

曰李氏山房熙寧初為祕閣校理累遷禮部侍郎哲宗立進戶部尚書宋史本傳

李公擇初學草書所不能者輒雜以真行劉貢父謂之鸚哥嬌其後稍進問僕吾

書比來何如僕曰可謂秦吉了矣東坡集

樓鑰跋李山房與山谷帖云山房不以書名嘗見行書不知草聖乃如此以是知

前輩無不過人者攻媿集

劉攽

劉攽字貢父敞弟與敞同登科歐陽修趙槩薦試館職熙寧中知太常禮院哲宗

時名拜中書舍人宋史本傳

貢父擅豪翰其蹟雜見羣玉堂法帖中書史會要

蘇軾

蘇軾字子瞻眉州眉山人文安簿洵仲子嘉祐二年試禮部主司歐陽脩曰吾當

避此人出一頭地熙寧中以黃州團練副使安置築室東坡自號東坡居士哲宗

時兼端明殿翰林侍讀學士禮部尚書謚文忠宋史本傳

蘇轍亡兄子瞻端明墓誌銘云幼而好書老而不倦自言不及晉人至唐褚薛顏

柳鬢歸近之樂城後集

東坡道人少日學蘭亭故其書姿媚似徐季海至酒酣放浪意忘工拙字特瘦勁似柳誠懸中歲喜學顏魯公楊風子書其合處不減李北海本朝善書自當推爲

第一山谷集

東坡書真行相半便覺去羊欣薄紹之不遠同上

蘇文忠公自謂作大字不如小字鶴山集

東坡與子由論書云吾雖不善書曉書莫如我苟能通其意常謂不學可故其子叔黨跋公書云吾先君子豈以書自名哉特以其至大至剛之氣發於胸中而應之以手故不見其有刻畫嫵媚之態而端乎章甫若有不可犯之色少年喜二王書晚乃喜顏平原故時有二家風氣俗手不知妄謂學徐浩陋矣觀此則知初未嘗規規然出於翰墨積習也辭語陽秋

蘇子瞻一日在學士院閑坐忽命左右取紙筆寫平疇交遠風良苗亦懷新兩句大書小楷行草書凡寫七八紙擲筆太息曰好好散其紙於左右給事王瞻道山清錄

魯直戲東坡曰昔王右軍字爲換鶩字韓宗儒每得公一帖於殿帥姚麟許換羊

肉數斤可名二丈書爲換羊書矣趙德麟侯鯖錄

崇觀間京卞用事拘東坡以黨籍禁其文辭墨迹而毀之政和間忽弛其禁求軾

墨迹甚銳時徽宗親臨寶錄宮醮筵道流拜章伏地曰奎宿乃本朝蘇軾上大驚

欲玩其詞翰也越蔡行警雜錄

蘇轍

蘇轍字子由年十九與兄軾同登進士科元祐六年拜尚書右丞進門下侍郎崇寧中築室於許號穎濱道之謚文定

宋史本傳

子由書瘦勁可喜反覆觀之當是捉筆甚急而腕著紙故少雍容耳

山谷集

蘇邁

蘇邁軾長子善為文駕部員外郎

宋史本傳

東坡帖乃其子邁所作亦自可喜蘇氏諸子源同派異種種皆有過人處

幼溪集

蘇過

蘇過字叔黨軾第三子年十九以詩賦解兩浙軾遷僭耳獨過侍之家穎昌營水

竹數畝名小斜川自號斜川居士時稱為小坡

宋史本傳

東坡云軾幼子過親書金光明經四卷手自裝治送虔州崇慶禪院又示兒子過

詩云汝應奴隸蔡少霞我亦季孟山玄卿

東坡集

叔黨行草筆法亞乃翁

石門文字禪

蘇過楷書石刻在定州天寧寺壁書法古勁有父風

韓上桂定州志略

黃庭堅

黃庭堅字魯直洪州分寧人舉進士熙寧初為國子監留守哲宗召為校書郎徽

宗即位起吏部員外郎善草書楷法亦自成一家自號山谷道人

宋史本傳

伊... 卷...
庭堅云余學草書三十餘年初以周越爲師故二十年抖擻俗氣不脫晚得蘇才
翁子美書觀之乃得古人筆意其後又得張長史僧懷素高閒墨蹟乃窺筆法之

妙 山谷集

山谷懸腕書深得蘭亭風韻然行不及真草不及行 洞天清錄

王榮老欲渡江七日風作不得濟父老曰公篋中必蓄寶物江神極靈當獻之榮
老顧無所有惟玉麈尾即獻之風如故又以端硯獻之風愈作又以宣包虎帳獻
之皆不驗夜臥念曰有黃魯直草書扇頭韋應物詩持以獻之香火未收天水相
照南風徐來一餉而濟 釋惠洪冷齋夜話

本朝以書名家者至黃太史米儀曹各得書法之變自成一家人未易優劣 鶴山集

黃大臨

黃大臨庭堅兄 山谷集

九華蕉筆巖亦名唐公巖有黃大臨諸人題字 周必大九華山錄

黃幼安

黃幼安庭堅弟喜作草攜筆東西家動輒龍蛇滿壁草聖之聲欲滿江西 山谷集

黃乘

黃乘庭堅弟雅善小篆通六書之意下筆皆有依據 山谷集

黃知命

黃知命庭堅弟學魯公東西林碑陰字殊有一種風氣作樂府長短句及小詩可傳可玩

山谷集

黃正叔

黃正叔能書不惟得用筆之妙位置典型與韋誕先後

姑蘇集

黃庭堅云吾宗正叔天資善書少時書帖奇麗行草下筆縱橫皆得意予評其書以謂絕倫而東萊王正叔以謂正叔書不從鍾元常王逸少父子法度中來雖然中無一點俗氣亦足以豪

山谷集

高荷

高荷呂居仁江西詩派圖云字子勉荊州人極有篆力使之凌厲中州恐不減晁張

山谷集

石蒼舒

石君舒字才美京兆人玉照新志云字才叔雅州人善行草人謂得草聖三昧官為承事郎通判保

安庫嘗為丞相呂公微仲所薦不達而卒

東坡詩注

蘇軾題石蒼舒醉墨堂云君於此藝亦云至堆牆敗筆如山丘興來一揮百紙盡

駿馬倏忽踏九州

東坡集

蘇轍題石蒼舒醉墨堂云石君得書法弄筆歲月久經營妙在心舒卷功隨手

樂

城集

石蒼舒書有骨氣

東觀餘論

王正甫

王正甫石才翁對韓公草書公言二子一似向馬行頭吹笛座客皆不曉公為解之若非妙手不敢向馬行頭吹也

東坡集

孔文仲

孔文仲字經父臨江新喻人少刻苦問學博洽舉進士擢第一熙寧初力論王安石之非哲宗時遷中書舍人

宋史本傳

文仲工筆札其蹟雜見鳳墅續法帖中

書史會要

晁端有一作友

晁端有字美叔濟州鉅野人太子少傅迥玄孫工於詩

宋史本傳

黃庭堅云晁美叔嘗背譏吾書唯有韻耳至於右軍波戈點畫一筆無也有附子者傳若言於陳留子笑之曰若美叔即與右軍合者優孟抵掌談笑迺是孫叔敖

邪山谷集

張耒和亭守晁端友詩云晁公聲名三十載餘事筆蹤傳法帖

宛丘集

晁端中

晁端中字元升鉅野人十歲能為古詩草聖奇異中第調趙州平棘尉遷雄州防

禦推官

雞肋集

晁補之

晁補之字无咎濟州鉅野人端有子舉進士試開封及禮部別院皆第一元祐初爲太學正徽宗立拜吏部員外郎禮部郎中兼國子編修出知河中府還家肯歸來園

自號歸來子 宋史本傳

无咎書駸駸欲度驊騮要自不凡 姑溪集

妙高臺上絕頂有晁无咎題字 周必大乾道庚寅奏事錄

晁叔與

晁叔與補之弟晁冲之和十二兄詩云先生翰墨英揮灑每被酒高步褚薛流下視鍾王友簡疎秦隸奇譎怪夏篆醜么麼張芝草嫵媚元和柳 晁冲之具茨集

秦觀

秦觀字少游一字太虛揚州高郵人少豪雋見蘇軾於徐為賦黃樓軾以為有屈宋才又介其詩於王安石安石亦謂清新似鮑謝登第調定海主簿蔡州教授元祐初蘇軾以賢良方正薦於朝除國史院編修官紹聖初坐黨籍出判杭州徙郴州徽宗立放還至藤州卒 宋史本傳

少游草書有東晉風味 東坡集

少游詩字婉美蕭散如晉宋間人自有一種風氣所乏者骨格爾然要是一時才

者 梁溪集

黃豫章秦淮海皆學顏平原真行豫章晚尤自稱許淮海則退避不肯以書自名

亦各行其志也

渭南集

淮海專學鍾王小楷姿媚適勁可愛

洞天清錄

秦淮海書飄飄凌雲之氣見於觚牘

釋居簡北磬文集

張耒

張耒字文潛楚州淮陰人弱冠第進士試秘書省正字紹聖初以直龍圖閣知潤

州徽宗召為太常少卿儀觀甚偉有雄才筆力絕健於騷詞尤長

宋史本傳

張文潛書自有一種風氣

攻媿集

張耒草書飄逸可觀

書史會要

陳知和

陳知和字德時祥符人朝請大夫致仕善楷隸喜為詩作燕譽堂於第之西北隅

從賓客飲酒談笑其間

雞肋集

錢勰

錢勰字穆父吳越武肅王五世孫積官至朝議大夫勳上柱國爵會稽郡開國侯

所為文章雄深雅健得西漢體作詩清新適麗長於用韻工行草書有魏晉人筆

法嘗自愛重未嘗輒以與人

梁溪集

穆父工書正書師歐陽率更草書造王大令閩域

書史會要

李昭玘

李昭玘字成季濟南人少與晁補之齊名為蘇軾所知擢進士第累官太常少卿出知滄州罷主管鴻慶宮遂入黨籍中居間十五年自號樂靜先生寓意法書圖畫貯於十囊命曰燕游十友有題扇詩云平生自笑書成癖運墨圖摹日幾回六角招人聊一戲區區老媪復能來

樂靜先生集

楊傑

楊傑字次公無為人舉進士元豐中官太常元祐中為禮部員外郎自號無為子

宋史本傳

廬山景德院有元豐間無為子題字

周必大廬山後錄

無為子擅豪翰其蹟雜見羣玉堂法帖中

書史會要

王鞏

王鞏字定國魏州人文正公旦孫長於詩從蘇軾游軾守滁州鞏往訪之與客游泗水登雕山吹笛飲酒乘月而歸軾待之於黃樓上謂鞏曰李太白死世無此樂三百年歷宗正丞以跌蕩傲世

宋史本傳

近日米芾行書王鞏小草頗有高韻必有傳於世

東坡集

蘇軾贈鞏詩云清詩草聖俱入妙別後寄我書連紙

同上

范子奇

范子奇字中濟河南人太子太師雍孫階祖蔭簽書并州判官神宗賜對歷工部

左司郎中直龍圖閣元祐中為吏部侍郎

宋史本傳

范中潛善作大字

山谷集

范中潛

范中潛善作大字

山谷集

朱長文

朱長文字伯原蘇州吳人年未冠舉進士築室樂圃坊著書閱古元祐中起教授

於鄉召為太學博士遷祕書省正字

宋史本傳

長文書做顏魯公法所集周穆王以來金石遺文名人筆迹作墨池閣古二篇

史

劉涇

劉涇字巨濟簡州楊安人舉進士王安石薦其才名見除經義所檢討久之為太

學博士元符末上書召對除職方郎中

宋史本傳

蘇軾荅劉涇詩云細書千紙雜真行

東坡集

鮮于伯機藏雜帖一冊內有劉涇巨濟墨帖一紙一印文曰劉巨濟符

雲煙過眼錄

李元直

李元直字通叔長安人其先出於唐讓帝學篆書數十年覃思甚苦曉字法得古

意用鈔鋒筆縱手疾書初不省度

東坡集

蘇沂

蘇沂摹張顛賀八清鑑帖與真無異又摹懷素自敘一如真蹟

米芾書史

王詵

王詵字晉卿太原人

見畫家傳

尚蜀國長公主官至留後

宋史本傳

王晉卿行書奇怪非世所學自成一家

山谷集

王晉卿草聖傑然有王子敬張長史之遺意

後村集

晉卿碑版書極佳

書史會要

鮮于侁

鮮于侁字子駿閬州人舉進士為江陵右司理參軍慶曆中唐介薦之神宗詔求直言侁應詔陳十六事哲宗立拜左諫議大夫刻意經術作詩平淡淵粹尤長於

楚辭

宋史本傳

宋賢遺墨有鮮于侁書

命州山人榮

賀鑄

賀鑄字方回衛州人孝惠皇后族孫元祐中倅太平州自哀歌詞名東山樂府自

號慶湖遺老

宋史本傳

方回擅豪翰其蹟雜見羣玉堂法帖中

書史會要

徐積

徐積字仲車楚州山陽人事母至孝元祐初為楚州教授政和六年賜謚節孝處士宋史本傳

陳亞之詩帖跋有徐積書鐵網珊瑚

顏復

顏復字長道魯人顏子四十八世孫嘉祐中詔郡國敦訪遺逸京東以復言凡試於中書者二十有二人考官歐陽修奏復第一賜進士為校書郎熙寧中為國子直講元祐初名為太常博士改天章閣待制宋史本傳

陳亞之詩帖跋有顏復書鐵網珊瑚

劉燾

劉燾字無言長興一作曼陵人未冠入太學與陳伯亨稱為八俊元祐三年蘇軾知貢舉稱其文章典麗中甲科善書筆勢遒勁名修閣帖遺文五十卷號見南山集凌迪

知萬姓統譜

劉燾箋題便不類今人書使之春秋高江東又出一羊欣薄紹之矣山谷集

劉無言以草書名世晚年用筆圓熟書史會要

鄭惇方

鄭惇方字希道滎陽人作篆隸六卷字義一篇凡古今字說班楊賈許二李二徐之學其精者皆在其有未盡傳以新意東坡集

程之才

程之才字正輔着山人公母成國太夫人程氏之姪

東坡詩注

九華觀音巖有程正輔題字

九華山錄

柳瑾

柳瑾字子玉善作詩及行草書

東坡集

柳閱

柳閱字展如黃庭堅贈詩云妙年勤翰墨銀鈎爛縱橫

山谷集

蘇軾跋柳閱楞嚴經後云吾甥柳闢孝弟夙成自童子能為文不幸短命其兄閱

為手寫此經

東坡集

李彭

李彭字商老灌園修水之上筆畫一出人爭傳寶

石門文字禪

李商老字畫有鍾王之風自言法右軍之贍麗用魯公之氣骨微奇峭於誠懸體

韻度於疑式

書史會要

李康年

李康年字樂道江夏人白首心醉六經古學晚寤籀篆下筆自可意直木曲鐵得

之自然秦丞相斯唐少監陽冰不知去樂道遠近也

山谷集

江夏李君康年好古博學而小篆尤精

東坡集

杜庭之

杜庭之善書蘇軾云杜庭之書世所貴重書史會要

孫朴

孫朴字元忠親書華嚴經八十卷累萬字無有一點一畫見怠惰相東坡集

趙汝霖

趙汝霖學九成宮刻漏銘於正書尤工殆咄咄逼真矣行書則別是一家姑溪集

葛葦

葛葦哲宗時人蘇軾贈葛葦詩云小詩試擬孟東野大草閑臨張伯英東坡集

高述 潘岐

高述丹陽人潘岐齊安人皆有文藝其風聲氣格見於筆墨間時作蘇軾筆或能

亂真書史會要

高述潘岐皆能贗作東坡書山谷集

葛珣

葛珣字叔寶紹聖間長於草書書史會要

杜介

杜介善草書清爽圓媚誠奇絕也書史會要

朱和叔

朱和叔宜州人黃庭堅與朱和叔書云承頗留意於學書要須古人為師筆法雖欲清勁必以質厚為本

山谷集

文勛

文勛字安國官太府寺丞善論難劇談工篆畫

書史會要

蘇軾文勛篆銘云世人篆字隸體不除如浙人語終老帶吳安國用筆意在隸前

汲冢魯壁周鼓秦山

東坡集

文安國篆筆方嚴勁正未嘗安立一筆

姑溪集

南嶽鎮南門有篆書南岳二字轉運判官文勛篆雄偉勁淨為世所珍

丁謂上冊文

張又祖

張又祖南陽人喜用郎奇棗心散卓筆能作瘦勁字

山谷集

馬中玉

一作忠王

馬中玉翰墨頗有勁氣如李西臺但少妍耳詩句亦不草草至其作樂府長短句

能道人意中事

山谷集

洪芻

洪芻字駒父黃庭堅與駒父書云昨得書見筆札已眼明大字懸手書勿令敲斜

失威儀乃佳

山谷集

丘敬和

丘敬和摹倣右軍書筆意潤澤

山谷集

陳恬

陳恬字叔易陽翟人博學洽聞與晁說之俱隱嵩山元祐間赴召

性理大全注

陳恬為祕書省校書郎後棄官去隱嵩華間能書

書史會要

王蕃

王蕃字觀復書雖未及工要是無秋豪俗氣蓋其人胸中塊磊不隨俗低昂故能

若是

山谷集

周壽

周壽字元翁茂叔子

山谷集

元翁詞翰之妙前輩多稱之

宋子文集

張載熙

張載熙共城人名家子好文尤善筆札

山谷集

張舉

張舉字子厚武進人登元祐四年甲科閉門讀書四十餘年多所論著於古律詩尤清新家藏書至數萬卷工書精草隸之體皆造古人妙處以大臣薦起為潁州教官三辭不就東坡亦力薦之以祕省校書召迄不出崇寧間賜處士號卒謚正

素

孫偉德附陵志

張子厚善書歐陽文忠子棐以烏絲欄絹一軸求子厚書文忠明妃曲兩篇廬山
高一篇葉夢得石林詩話

吳元瑜

吳元瑜見畫史書學薛稷蔡條鐵圍山叢譚

安宜之

安宜之長安人工楷書書史會要

宋京兆府新移石經記元祐五年黎持為文安宜之正書玄贖記

王希

王希哲宗時人全州湘山塔石龜記元祐六年宣義郎通判全州軍州兼管內勸農營田

事借緋王希篆額并書蔣擢湘山事狀

廖正一

廖正一哲宗時人新城普向院多寶佛塔記元祐八年沙門道潛書左宣德郎充祕書校

理權通判杭州軍州兼管內勸農事借緋廖正一篆額廖瑜杭州府志碑碣目

蘇定武

蘇定武哲宗時人曹溪大鑿禪師碑柳州文紹聖中蘇定武書唐庚蒼山集

宋傅

宋傅哲宗時人真武經元符二年河南宋傅小正書秀雅可觀萬陽石刻記

呂彥直

呂彥直蘇州裱匠之子在三館為胥駙馬王詵留門下使雙勾書帖嘗摹黃庭一

卷上用所刻勾德元圖書

張曰吳中人物志

佩文齋書畫譜卷第三十四

書家傳十三

宋三

米芾

米芾字元章

史浩兩鈔摘腴云自號鹿門居士黃滔筆記云元章自署姓名米或為芾芾或為黻又稱海岳外史又稱襄陽漫士

吳人以母侍宣仁后藩邸舊

恩補浚光尉歷知雍丘縣連水軍太常博士知無為軍召為書畫學博士賜對便

殿上其子友仁所作楚山清曉圖擢禮部員外郎出知淮陽軍妙於翰墨沉著飛

翥得王獻之筆意尤工臨移至亂真不可辨精於鑒裁遇古器物舊畫則極力求

取必得乃已嘗奉詔做黃庭小楷作周興嗣千字韻語又入宣和殿觀禁內所藏

人以為寵

宋史本傳

米芾書學羲之篆宗史籀隸法師宜官晚年出入規矩自謂善書者只有一筆我

獨有四面寸紙數字人爭售之以為珍玩請求碑榜戶外之屨常滿家藏古帖甚

富名其所藏為寶晉齋

宣和書譜

南宮本學顏後自成一家於側掠拿趯動遵古法度無一筆妄作

洞天清錄

元章初學羅讓書其後趨邁入神殆非側勒弩趯策掠墜磔所能束縛也

平園集

婢之婢世謂之重臺評書者謂羊欣書似婢學夫人米芾學欣書故高宗謂米字

為重臺

王仲暉雪舟勝語

海岳以書學博士名對上問本朝以書名世者凡數人海岳各以其人對曰蔡京

不得筆蔡下得筆而乏逸韻蔡襄勒字沈遼排字黃庭堅描字蘇軾畫字上復問

曰卿書如何對曰臣書刷字

海岳名言

米芾元章有書名其投筆能盡管城子五指撮之勢翩翩若飛結字殊飄逸而少

法度其得意處大似李北海間能合者時竊小王風味也魯公

蔡京

一日問芾今能

書者有幾芾對曰自晚唐柳氏近時公家兄弟是也蓋指魯公與文正公

下蔡

更詢其次則曰芾也

鐵圍山叢譚

米芾得能書之名似無負於海內芾於真楷篆隸不甚工惟於行草誠入能品以

芾收六朝翰墨副在筆端故沉著痛快如乘駿馬進退裕如不須鞭勒無不當人

意

者善續說

米元章書畫奇絕從人借古本自臨搨臨竟併與臨本真本還其家令自擇其一

而其家不能辨也以此得人古書畫甚多

韻語陽秋

徽宗嘗命米芾以兩韻詩草書御屏次韻乃押中字行筆自上至下其直如線上

稱賞曰名下無虛士芾即取所用硯入懷墨汁淋漓奏曰硯經臣下用不敢復進

御臣敢拜賜又一日田人書親舊有密於窗隙窺其寫至芾再拜即放筆於案整襟端下兩拜周輝清波雜志

米無正書真行者為正書生平自負小楷不肯多寫余得李伯時西園雅集圖有米南宮蠅頭題後甚得蘭亭筆意容臺集

米友仁

米友仁字元暉芾子力學嗜古亦善書畫世號小米仕至兵部侍郎敷文閣直學士宋史本傳

米元章云吳峴王子韶大隸題榜有古意吾兒友仁大隸題榜與之等書法鈎玄
元暉書雖不逮其父然如王謝家子弟自有一種風格鶴山集

米尹知

米尹知一作友知芾子米芾云幼兒尹知代吾名書碑及乎大字更無辨門下許侍郎尤愛其小楷云每示簡可使令嗣書謂尹知也海岳名言

黃伯思

黃伯思字長睿邵武人元符三年進士高等好古文奇字洛下公卿家商周秦漢彝器款識研究字畫體製悉能辨正是非道其本末遂以古文名家初淳化中博求古法書命待詔王著續正法帖伯思病其乖譌龐雜作刊誤二卷篆隸正行草章草飛白皆至妙絕得其尺牘者多藏弄以修書恩升朝列擢秘書省校書郎遷

祕書郎自號雲林子別字霄賓政和八年卒二子詔訥哀伯思平日議論題跋為
東觀餘論三卷宋史本傳

伯思云僕自弱齡喜篆法初得岱宗秦刻及朝那石章學之後得岐鼓壇山字及
三代彝器文識又學之仰其高古惟是之師而漢魏碑首印章亦時寓目下此者
未嘗過而問焉東觀餘論

黃伯思文辭雅健格高而思深詩俊逸清新追古作者尤精小學凡字書討論備
盡正行草隸皆精絕初做顏柳後乃規摹鍾王筆勢簡遠有魏晉風氣梁溪集

薛紹彭

薛紹彭米芾書史云芾道祖恭敏公向子兗州葉云累官祕閣修撰知梓潼路漕有翰墨名宋史本傳

薛紹彭以書畫情好相同嘗寄書云書畫間久不見薛米余答以詩云世言米薛
或薛米猶言弟兄與兄弟米芾書史

近惟米家父子及薛紹彭留意筆札周密癸辛雜識

米元章薛紹彭黃長睿方知古法長睿書不逮惟紹彭最佳虞集道園學古錄

紹彭書作真行法皆自晉唐絕不作側筆惡態石墨鐫華

張商英

張商英字天覺崇寧初拜尚書右僕射謚文忠宋史本傳

張丞相好草書一日得句索筆疾書滿紙龍蛇飛動使姪錄之當波險處姪罔然

而止執所書問曰此何字也丞相熟視久之曰胡不早問致予忘之冷齋夜話
張商英法頗而自運為多都穆寓意編

趙挺之

趙挺之字正夫密州諸城人進士上第熙寧建學選教授登棣二州哲宗即位名
試館職徽宗立為禮部侍郎拜尚書右僕射觀文殿大學士謚清憲宋史本傳
挺之工筆札其蹟雜見鳳野續法帖中書史會要

劉正夫

劉正夫字德初衢州西安人未冠入太學有聲為太常博士累拜中書侍郎政和
六年擢拜特進謚文憲宋史本傳

正夫喜書學多作行法宣和書譜

蔣之奇

蔣之奇字穎叔常州宜興人擢進士第英宗擢監察御史徽宗立為翰林學士同
知樞密院宋史本傳

臨安龍泓洞有蔣之奇篆字湖山勝槩

堯峰蔣堂所居寺奉其香火蔣之奇壬子歲留題數百字尚可辨周必大吳郡諸山錄

蔣之奇有蘇黃法弁州山人藁

李之儀

李之儀字端叔滄州無棣人登第幾三十年乃從蘇軾於定州幕府徽宗初提舉河東常平編管太平居姑熟終朝請大夫能為文尤工尺牘軾謂入刀筆三昧宋史本傳

張舜民

張舜民字芸叟邠州人中進士第徽宗擢右諫議大夫吏部侍郎坐元祐黨謫楚州團練副使慷慨喜論事善為文自號浮休居士宋史本傳

浮休擅豪翰其蹟雜見羣玉堂法帖中書史會要

豐稷

豐稷字相之明州鄞人登第為穀城令擢監察御史徽宗立除御史中丞俄轉工部尚書以樞密直學士守越謚清敏宋史本傳

豐稷書慈谿永明寺殿記海內少見開大而不沓拖謹密而不拘曲馳騁於意象之先從容於筆畫之外蔡蘇黃米之美無不挹取而不用其一筆安世鳳墨林快事

陳瓘

陳瓘字瑩中周必大平園集云號了翁南劍州沙縣人中甲科徽宗即位名為右正言遷左司諫改

知無為軍還為著作郎遷右司員外郎出知泰州崇寧中除名竄袁州廡州移郴

州高宗賜謚忠肅宋史本傳

了翁書法不循古人格轍自有一種風味觀其書可以知氣節之勁也梁溪集

瑩中作小楷有秀氣

姑溪集

瑩中翰墨簡重而謹嚴如其為人

石門文字禪

瑩中字畫精勁蕭散有蘭亭典型

書史會要

鄒浩

鄒浩字志完

號道鄉

常州晉陵人第進士哲宗親擢為右正言遷寶文閣待制徽宗時

兩謫嶺表高宗即位賜謚忠

宋史本傳

道鄉碩學勁節為天下所宗仰字畫如其人

李綱梁溪集

韓駒

韓駒字子蒼仙井監人政和初賜進士出身宣和中為中書舍人監修國史

宋史

本傳

韓駒擅豪翰其蹟雜見羣玉堂法帖中

書史會要

韓子蒼書出坐位帖行草如此者宋人絕少即大家自南華題名外亦不多

墨林

快事

鍾傳

鍾傳字弱翁饒州樂平人本書生用李憲薦為蘭州推官崇寧中累擢顯謨閣待

制進龍圖閣直學士

宋史本傳

鍾弱翁所至好貶剝榜額字畫必除去之出新意自立名令具牌為重書之

彭乘

李時雍

李時雍字致堯書史會要云號適齋早以書畫名於時元符初黃魯直在戎州嘗從乞書黃甚

予之其後為尚書郎馮澥書奏疏由是被遇為書學博士鶴山集書史會要云官至殿中丞

熙豐以後蔡襄李時雍體製方入格律翰墨志

李時雍工書崇寧間與米芾同為書學博士嘗對御書跨鰲二字字方及半官人

以花簪之不覺滿頭於是能聲高出米芾又嘗以書出外國勅以絳紗封臂非被

旨不許輒書能以襟袖濡墨走筆作大字書史會要

李時敏

李時敏字致道時雍弟官至朝請郎克嗣家聲尤工大字書史會要

劉次莊

劉次莊字中叟崇寧中為御史有書名工正行草卜築於淦水之濱東山之麓所

謂戲魚堂是也臨摹古帖最得其真凡草聖不可讀者以小楷譯之張舜民評其

書謂如紅蓮新折潤之以風雨書史會要

劉御史最妙小楷其原出王大令褚河南而能兼采羣書為一家東觀餘論

關景仁

關景仁字彥長錢塘人性多能鐘律曆數草隸圖畫無所不學尤長於詩尚友錄

關蔚宗

關蔚宗景仁弟廬州使君也平生好事多蓄書畫游宦交廣

陳繼儒太平清話

關蔚宗金陵幔山樓題榜乃二十年前書想六朝宮殿榜皆如是

海岳名言

朱服

朱服字行中湖州烏程人熙寧進士甲科元豐中擢監察御史裏行參知政事紹

聖初召為中書舍人拜禮部侍郎徽宗即位加集賢殿修撰坐與蘇軾游貶蘄州

宋史本傳

紹聖元年召試中書舍人上曰服文詞可采書札亦工

書史會要

鄭同

鄭同字亦虛玉山人善書有名於時米芾嘗有帖與亦虛云晝寢夢龍蛇繞榻及

覺乃小兒披來翰也其稱之如此

華黼廣信郡志

毛滂

毛滂字澤民崇寧初除刪定官後知秀州有東堂集行於世

東坡詩注

東堂擅豪翰其蹟雜見羣玉堂法帖中

書史會要

王安中

王安中字履道中山陽曲人進士及第歷祕書省著作郎宣和元年拜尚書右丞

徽宗嘗宴睿謨殿命安中賦詩百韻以紀其事詩成令大書於殿屏凡侍臣皆以

副本賜之有初寮集七十六卷傳於世 宋史本傳

王初寮書法清俊 書史會要

初寮先生未冠時及拜東坡於中山筆精墨妙宜有傳授當政宣間禁切蘇學一涉近似旋坐廢錮而先生以奪胎換骨之手揮豪禁林初無疑者靖康以後黨禁已解玉佩瓊琚之辭怒猊渴驥之書盛行於東南然後人人知其為蘇門顏閔也 平園集

曹評

曹評字公正韓王彬曾孫徽宗時平海軍節度使性喜文史書有楷法慈聖皇后命書屏以奉神宗賜玉帶旌其能 宋史本傳

趙令穰

趙令穰字大年宗室也 見畫家傳游心經史戲弄翰墨尤工草書嘗作小草如聚蚊蝱如撮鉞鐵筆道而法足觀之使人目力茫然誠可喜也 書史會要

林攄

林攄字彥振福州人徙蘇用蔭至勅令檢討官遷屯田右司員外郎自大觀元年春至二年五月由朝散大夫九遷至右光祿大夫 宋史本傳

林攄書法大令 寓意編

沈錫

沈錫 書家傳十三 日七 同文圖書館印

沈錫字子昭真州揚子人崇寧初為講議司檢討拜兵部侍郎以徽猷閣待制知

江寧府歷知海泰汝宣四州以通議大夫致仕 宋史本傳

三峽橋泉為陸子泉旁有沈錫大書廬山二字 周必大廬山後錄

劉濤

劉濤字普公昌言之曾孫工詩及草書蘇軾嘗跋其書奇逸多才中有所得不能
自己因以適性為樂耳徽廟召入禁中值大雪令草書雪詩因問卿字孰師對曰
臣無師不稱旨而退晚年困躓讀書靈泉院自號靈泉山人 于光大泉州志

邵毓

邵毓字仲恭丹陽人官至直龍圖閣知蘇州工正行字體清勁 書史會要

邵仲恭字秀有餘而老不足 姑溪集

邵仲恭從學於魯公 蔡京 教仲恭學沈傳師遂自名家 鐵圍山叢談

章棻

章棻字質夫建州浦城人試禮部第一擢知陳留縣哲宗立為龍圖閣直學士徽

宗時拜同知樞密院事謚莊簡 宋史本傳

張舜民撰游師雄墓志邵毓書章棻篆蓋 石墨鐫華

杜從古

杜從古字唐稽官至禮部郎宣和中與米友仁徐兢同為書學博士 書史會要

宋高宗曰先皇帝喜書立學養士惟得杜唐稽一人

翰墨志

王昇 書史會要
作王升

王昇字逸老汴人草聖奇偉宣政間被召補右爵南渡後寓居嘉禾羔羊里時上

留神翰墨召對蒙眷官至正使 至元嘉禾志

逸老殆欲欺凌懷素 趙希鵠洞天清錄

王逸老草書殊有顛旭轉折變態尤為內廷稱賞 道園學古錄

李公麟

李公麟字伯時舒州人 見畫
家傳長於詩多識奇字自夏商以來鐘鼎尊彝皆能考定世

次辨測款識 宋史本傳

李龍眠書法極精畫之關紐透入書中 山谷集

龍眠書於規矩中特飄逸綽有晉人風度 洞天清錄

李冲元

李冲元字元中舒州龍眠人舉進士工書翰追蹤鍾王與李公麟李亮工同時登

第號龍眠三李 萬姓統譜

李元中極力摹倣鍾王 謝肇淛五雜俎

張閱道

張閱道 陶宗儀
作閱道游心翰墨真草矯然自作一家風範 東觀餘論

周邦彥

周邦彥字美成錢塘人元豐初獻汴都賦召赴政事堂徽宗時進徽猷閣待制能

自度曲製樂府長短句詞韻清蔚

宋史本傳

美成正書行書皆善

書史會要

慎漢公

慎漢公甫八歲真靖陳尊師稱其喜學鍾王遺法以神童目之

東觀餘論

于琮

于琮毘陵人善隸書學魏受禪表深得其行筆意

書史會要

徐琰

徐琰成都貢士工篆書宣和初嘗書劔南西川四大字字身長五尺雄偉可喜

書史會要

王植

王植政和間任昌州刺史能篆

書史會要

張熹

張熹字子昭鄱陽人

黃伯思外弟

雅善法書

東觀餘論

吳斯道

吳斯道作字之工熟得襄陽湯仕為之研究為一時標峙

曹勛松隱集

呂天策

呂天策字彥發江陰人善詩尤精於書能兼數體有石刻十卷藏於家政宣間被詔不就人號曰呂詔君

孫偉德思陵志

袁液

袁液字仙夫貴戚子姓而好學趣尚不凡工書

東觀餘論

趙士暎

趙士暎字明發宗室也少好學喜為文書師米芾

書史會要

林彥祥

林彥祥見書家傳臨伯時盧鴻草堂圖而自書其首書丰度意趣有神遊八極氣象

雲煙

過眼錄

林思心

周密志雅堂雜鈔作林師心

林思心與林彥祥同時盧鴻草堂圖十志詩暮翠庭歌如如野叟林思心書

雲煙過眼錄

孫琰

孫琰與林彥祥同時盧鴻草堂圖十志詩倒景臺歌經堂孫琰書

雲煙過眼錄

石昭問

石昭問與林彥祥同時盧鴻草堂圖十志詩桃煙庭歌隱嶽道人石昭問書

志雅堂雜鈔作隱鶴

雲煙過眼錄

錄

胡份

胡份與林彦祥同時盧鴻草堂圖十志詩其六縉雲胡份書雲煙過眼錄

周沔

周沔蘇州進士米芾書史

金陵雜咏黃履詩溧水尉周沔書刻江寧府治江寧府志

滕中

滕中字元直以蔭補將作監主簿歷官承議郎知解州長於詩姑蘇志

滕中善草書米芾書史

常安民

常安民長安人以鐫字為業多收隋唐銘唐銘墨本亦能篆崇寧初蔡京蔡卞為元

祐黨籍刻石文德殿門又立於天下州廳長安府名安民安民辭曰乞不刻安民

鐫字於碑恐後世并以為罪邵氏聞見錄

陳休

陳休政和間人其書猶有唐人之遺墨林快事

湯正臣

湯正臣長沙人秦子明為長沙副將買石令湯正臣父子重摹僧寶月所翻閣本

法帖世所稱潭帖者載歸壁之黔江紹興聖院山谷集

劉元成

劉元成徽宗時人宋王巖叟撰韓魏公祠堂記碑劉元成安世書韓上桂定州志略

孫道

孫道徽宗時人初賜崇寧禪寺碑通判全州軍州兼管內勸農事孫道書蔣權湘山事狀

蔡子因

蔡子因書俊氣飄逸不受富貴鞚勒宜從古人中求石門文字禪

王道

王道徽宗時人竹林寺羅漢洞記崇寧間釋有挺撰奉議郎知永安縣事王道書嵩陽石刻

記

王古

王古徽宗時人茅山崇禧碑銘崇寧五年張商英撰朝散郎簽書榮州軍州事判官廳公

事輕車都尉賜緋魚袋王古書茅山志

趙岍

趙岍徽宗時人移建本命殿碑大觀二年三月通直郎權潭州通判兼軍州事趙岍文并

書陳田夫南岳總勝集

宋復

宋復徽宗時人唐圓測法師塔銘政和中貢士宋復撰書之亦是宋書之楚楚者石里鑄華

范致沖

范致冲徽宗時人孔子祠墓宋宣和間有范致冲題名刻石字法疎朗恨其作元長手脚不無迎合之意墨林快事

蔡京

蔡京字元長興化仙遊人登熙寧三年進士第徽宗時拜尚書左丞右僕射元祐羣臣貶竄略盡猶未愜意命等其罪狀首以司馬光目曰姦黨刻石文德殿門又自書為大碑徧頒郡國大觀中拜太師政和二年封魯國公宋史本傳

魯公始同文正公受筆法於君謨既登第調錢塘尉時東坡公適倅錢塘因相與學徐季海當是時神廟喜治書故熙豐士大夫多尚徐會稽也未幾棄去學沈傳師及元祐末又厭傳師而從歐陽率更由是字勢豪健痛快沉著殆紹聖間天下號能書無出魯公之右者其後又厭率更乃深法二王晚每歎右軍難及而謂中令去父遠矣遂自成一法為海內所宗焉又公在北門有執役親事官二人事公甚恪因各置白團扇為公扇涼公心喜之皆為書少陵詩一聯而二卒大愠見不數日忽衣戴新楚喜氣充溢以親王持二萬錢取之笑願益此書公笑而不答親王者乃即太上皇也後宣和初曲燕在保和殿上語及是顧謂公昔二扇者朕今尚藏諸御府也鐵圍山叢譚

元符末魯公自翰苑謫香火祠因東下無所歸止擬將卜儀真以居焉徘徊久之因艤舟於亭下米元章賀方回來見俄一惡客亦至且曰承旨書大字舉世無兩

然某私意若不過賴燈燭光影以成其大不然安得運筆如椽者哉公哂曰當對子作之也二君亦喜俱曰願與觀公因命具飯磨墨時適有張兩幅素者食竟左右傳呼舟中取公大筆來即覩一筭從簾下出筭有筆六七枝多有大如椽臂三人已愕然相視公乃徐徐調筆而操之顧謂客子欲何字邪惡客即拱而答某願作龜山字爾公乃大笑因一揮而成莫不太息墨甫乾方將共取視方回獨先以兩手作勢如欲張圖狀忽長揖卷之而急趨出矣於是元章大怒坐此二人相告絕者數歲而始講解迺刻石於龜山寺中米老自書其側曰山陰賀鑄刻石也故魯公大字自唐人以來至今獨爲第一同上

徽宗視淳化帖板已皴裂而王著一時標題多誤臨摹或失真詔出墨蹟更定彙

次訂其筆意仍俾蔡京書籤及卷首刺石太清樓下

大觀帖總釋

蔡卞

蔡卞字元度京弟與京同年登科紹聖四年拜尚書左丞徽宗時加觀文殿學士

檢校少保謚文正

宋史本傳

卞自少喜學書初爲顏行筆勢飄逸圭角稍露自成一家亦長於大字晚年高位不倦書寫稍親厚者必自書簡牘

宣和書譜

章惇

章惇字子厚建州浦城人登甲科調商洛令與蘇軾遊南山抵仙遊潭潭下臨絕

壁萬仞橫木其上惇捐軾書壁軾懼不敢書惇平步過之垂索挽樹攝衣而下以
深墨大書石壁曰蘇軾章惇來既還神彩不動元豐中參知政事拜門下侍郎哲
宗親政為尚書左僕射封申國公 宋史本傳

章申公筆勢超超意出楮薛上暮年愈妙一以魏晉諸賢為則正者殊類逸少 東
觀餘論

章子厚草堂寺題記用臥筆間作渴筆游絲法亦道逸 石墨鐫華

楊邦乂

楊邦乂字晞稷吉州吉水人博通古今登進士第知溧陽縣謚忠襄 宋史本傳

楊晞稷工筆札其蹟雜見鳳墅續法帖中 書史會要

滕茂實

滕茂實字秀穎杭州臨安人政和八年進士靖康元年以工部員外郎假工部侍

郎出使憂憤卒 宋史本傳

滕秀穎善篆 書史會要

曹輔

曹輔字載德南劍州人第進士政和中祕書省正字靖康中簽書樞密院事 宋史

本傳

林彥祥盧鴻草堂圖十志詩其五則靜常居士曹輔書 雲煙過眼錄

唐重

唐重字聖任眉州眉山人大觀三年徽宗親策士授蜀州司理參軍遷吏部員外郎起居舍人知同州擢天章閣待制以天章閣學士知京兆府尋兼京兆府路經略制置使謚恭愍

宋史本傳

顏魯公奉使蔡州書一通并畫像有題於書之上像之下者靖康元年知同州軍事唐重書

金石文字記

趙子畫

趙子畫字叔問燕王五世孫少警敏強記工書翰宣和初充詳定九域圖志編修官試太常少卿遷徽猷閣直學士

宋史本傳

崔鷗

崔鷗字德符陽翟人登進士第調鳳州司戶參軍宣和六年為殿中侍御史欽宗

即位授右正言

宋史本傳

德符詩名一代書瘦健有神采亦類其詩

渭南集

蒲云

蒲云漢州綿竹人幼有方外之趣布裘筇杖游山野間賣藥得錢入酒家醺然一醉類有道之士尤喜翰墨作正書甚古嘗以雙鉤字寫河上公注道德經筆墨清細若游絲繁漢孤煙裊風連綿不斷或一筆而為數字分布勻穩風味有餘

宣和書

鮑慎由

鮑慎由官宣德郎能行書米芾書史

劉瑗

劉瑗官武勝留後能隸書米芾書史

趙霆

趙霆官宣德郎能篆書米芾書史

趙仲忽

趙仲忽宗室也能草書米芾書史

吳皖

吳皖江南人大隸題榜有古意海岳名言

任誼

任誼字才仲洛陽人見畫家傳官澧州通判小字隸書古勁學中郎畫繼

劉松老

劉松老字榮祖見畫家傳書學米元章畫繼

王逸民

王逸民字逸民永康導江人見畫家傳學山谷草書畫繼

高燾

高燾字公垂號三樂居士河州人見畫史篆隸飛白皆造妙畫繼

王持

王持字正叔長安人見畫史顏魯公鹿脯帖後有題跋妙於筆法畫繼

李覺

李覺字民先京師人見畫史能書嘗為明節皇后閣掌牋畫繼

陳昱

陳昱官至寺丞少好學嘗於父伯修枕屏效米芾筆跡書杜甫詩一日芾過伯修

見而驚焉因授以作字提筆法書史會要

王仲疑

王仲疑字豐父官通議大夫有風采善詞翰書史會要

許采

許采字師正吳興人字畫規模鍾繇殆窺其妙書史會要

張察

張察字通之成都人嘗帥鼎州以篆名今成都題榜往往察之筆也書史會要

吳師孟

吳師孟字醇翁知夔州善書書史會要

趙竦

趙竦字子立官水曹文翰皆重於前輩

書史會要

柳淇

柳淇學書中興頌筆力雖未絕勁而間架已方嚴矣

書史會要

鄭諶

鄭諶字本然草書有晉光之遺則

書史會要

王俟

王俟箕山人靖康中嘗書山陰蘭亭扁有法

書史會要

閻蒼舒

閻蒼舒正書雄健而有楷則扁榜尤工

書史會要

韓璠

韓璠字景文開封人獻肅公絳孫風采瓌潤字畫道媚

書史會要

徐滋

徐滋字元象吳興人從張有習篆得其法

書史會要

宋杞

宋杞字子和吳興人張有高第弟子於篆極精

書史會要

杜仲微

杜仲微作隸書用禿筆自謂得漢隸遺法

書史會要

林伯修

林伯修莆田人善大字

書史會要

陳歸聖

陳歸聖官至祕書丞能篆書尤工徑丈大字

書史會要

程嗣昌

程嗣昌字儒臣中山博野人少喜學書自謂獨得古人用筆之妙嘗評近代能書者曰蘇才翁書筆勢遲怯蔡君謨但能模學前人點畫及能草字而已周子發書妙出前輩至於草書殊未得自悟之意古人自悟者惟張旭與余而已

書史會要

王伯忠

王伯忠近臣也善行書

書史會要

蔡玠

蔡玠官至尚書郎善行書

書史會要

翟靜叔

翟靜叔能草書筆札駁駁逼古人

書史會要

宋米芾遊金山龍游寺題名後有翟靜叔題跋草書二行

古今碑帖考

何籀

何籀信安人以隸書知名

書史會要

宋上饒令顧君祠堂記何籀書

古今碑帖考

丁晞顏

丁晞顏字令子書畫皆精

雲煙過眼錄

徐易

徐易海州人能篆隸為御書院藝學

書史會要

丁德隅

丁德隅晉公謂之孫工篆書

姑蘇志

崔洪

崔洪石罍鐫華李駒終南山雜詠崔洪書之於崇寧間者洪以風塵下吏一旦執筆

云鄂令

遂足為詩人之重字之不可已如此

墨林快事

喻陟

喻陟字明仲睦州人持節數部政績藹著雅善散隸尤妙長笛每行按至山水佳

處馬上臨風快作數弄殊風流蕭散也

朱勝非秀水閒居錄

錢伯言

錢伯言題名舊在宋天書觀後人移之州城內岳廟中西墀古松下行書大徑寸

餘金石文字記

汪藻

汪藻字彥章

號浮溪

饒州德興人中進士第調婺州觀察推官徽宗親製君臣慶會閣

詩羣臣皆賡進惟藻和篇衆莫能及除九域圖志所編修官欽宗即位召為屯田

員外郎遷起居舍人高宗踐阼召試中書舍人遷兵部侍郎拜翰林學士帝以所

御白團扇親書紫誥仍兼縮黃麻似六經十字以賜縉紳豔之紹興二年除龍圖

閣直學士升顯謨閣學士

宋史本傳

浮溪工大小篆得李斯陽冰用筆意

孫觀鴻慶集

學士院中有榜曰摛文堂徽宗御書賜強承旨淵明今乃汪彥章內翰藻所篆

必大玉堂雜記

張皞

張皞字巨山襄陽人宣和三年上舍選中第調唐州方城尉紹興五年召對除祕

書省正字十年擢中書舍人除敷文閣待制

宋史本傳

朱熹跋張巨山帖云近世之為詞章字畫者爭出新奇以投世俗求其蕭散澹然

絕塵如張公者殆絕無而僅有

朱子文集

尹焞

尹焞字彥明一字德充洛人靖康初召至京師不欲留賜號和靖處士紹興四年

授左宣教郎充崇政殿說書八年權禮部侍郎兼侍講

宋史本傳

尹和靖手書歐陽文忠公所作三志足以傳世

朱子文集

和靖先生帖得之祈君之子真卿淳熙庚子刻之白鹿洞書院

朱子別集

程俱

程俱字致道衢州開化人宣和二年進頌賜上舍出身除禮部郎建炎中為太常少卿知秀州罷為提舉江州太平觀久之除徽猷閣待制為文典雅閱奧為世所

稱

宋史本傳

朝奉郎賀公墓志信安程俱撰并書

慶湖遺老集

張九成

張九成字子韶

號橫浦

其先開封人徙居錢塘紹興二年策進士擢寘首選累官刑部侍郎謫居南安軍起知温州寶慶初特贈太師封崇國公謚文忠

宋史本傳

橫浦先生舊自號無垢居士無垢之號聞天下先生著述天下罔有闕違獨簡帖字畫得者稀少先生筆下如三峽倒流遇順傾瀉凡見之真草橫斜曲直有張草聖之筆刊之琬琰燦然可觀如龍蛇之奮蟄如珠之走盤亦足以增人意氣書心畫也豈執筆學古人手法而後能之

橫浦家傳

張守

張守字子固

陶宗儀云字全真

常州晉陵人登崇寧元年進士第中詞學兼茂科除詳定九

域志編修官建炎中參知政事謚文靖

宋史本傳

張守字畫圓熟流美世不多見

書史會要

李彌遜

李彌遜字似之蘇州吳縣人弱冠登大觀三年第政和四年遷校書郎高宗時試戶部侍郎以徽猷閣直學士知漳州與趙鼎王庶曾開同沮和議宋史本傳

李公侍郎字畫端勁

朱子文集

陳之茂

陳之茂字卓卿宣和初入太學與張九成同舉進士丞相洪公薦擢吏部侍郎兼中書舍人直學士院為詩清勁書尤有法

秦夔無錫志

王利用

王利用字賓王潼川人

見畫家傳

舉進士官至夔憲書畫皆能光堯皇帝頗愛其書

畫鑑

薛尚功

薛尚功字用敏錢塘人

文獻通考云紹興中為通直郎

官至僉書定江軍節度判官廳事善古篆尤好

鐘鼎書有鐘鼎彝器款識二十卷及鐘鼎篆韻七卷行於世

書史會要

楊无咎

楊无咎字補之號逃禪老人又號清夷長者清江人後寓豫章

見畫家傳

高宗朝以不直

秦檜累徵不起書學率更小變其體江西碑碣多无咎書小字尤清勁可愛嘗自

題所藏邕禪師塔銘後云子於率更為入室上足

書史會要

李綱

李綱字伯紀陶宗儀云號梁溪邵武人自其祖始居無錫綱登政和二年進士第積官至監

察御史高宗即位拜尚書右僕射兼中書侍郎宋史本傳

綱工筆札其蹟雜見鳳野續法帖中書史會要

李光

李光字泰發越州上虞人登崇寧五年進士第高宗即位擢祕書少監紹興中除

資政殿學士謚莊簡宋史本傳

項方伯家有李泰發帖後人跋其帖見有光字遂以為司馬公筆寓意編

翟汝文

翟汝文字公異潤州丹陽人登進士第擢議禮局編修官名對徽宗嘉之除祕書

郎紹興元年參知政事風度翹楚好古博雅精於篆籀宋史本傳

翟耆年

翟耆年字伯壽汝文子好古博文撰籀史二卷秦梁無錫志

耆年工篆及八分書史會要

葉夢得

葉夢得字少蘊蘇州吳縣人紹聖四年登進士第高宗時為尚書左丞宋史本傳

葉夢得行書法大令宛然名家寓意編

胡安國

胡安國字康侯建寧崇安人中紹聖四年進士第哲宗親擢為第三紹興中進寶

文閣直學士謚文定

宋史本傳

劉子翬觀胡文定公手墨詩云温温文定公至道夙所欽不事八法奇天成寫幽

襟有如瀚海鴻隨波自浮沉又如太虛雲舒卷杳莫尋

屏山集

胡寅

胡寅字明仲號致堂安國弟之子中宣和進士甲科紹興中為徽猷閣直學士

宋史本傳

七里灘壁間有胡明仲題石刻石

朱子文集

胡宏

胡宏字仁仲號五峰安國子以蔭補承務郎

宋史本傳

胡文定公與明仲仁仲皆工筆札其蹟雜見鳳墅續法帖中

書史會要

胡世將

胡世將字承公常州晉陵人宿之曾孫登崇寧五年進士第為監察御史除徽猷

閣待制禮部侍郎紹興九年為寶文閣直學士宣撫川陝十一年資政殿學士致

仕

宋史本傳

世將集古今石刻名曰資古錄所書鐵柱銘刻於延真宮邦人習書多取為楷則

書史會要

沈與求

沈與求字必先湖州德清人登政和五年進士第累官知樞密院事謚忠敏

宋史本傳

宋賢遺墨有沈與求帖

弁州山人葉

張綱

張綱字彥正丹陽人以上舍及第五中首選除太學正遷博士高宗時以資政殿

學士知婺州謚莊簡

宋史本傳

宋賢遺墨有張綱帖

弁州山人葉

陳與義

陳與義字去非

號簡齋

洛人登政和三年上舍甲科高宗南遷召為兵部員外郎紹興

中資政殿學士

宋史本傳

陳公與義字畫清簡類其詩文為侍從時奉詔定法帖十卷釋文一冊

平園集

簡齋工篆翰其蹟雜見羣玉堂法帖中

書史會要

宋刻陳簡齋集是公自書上木醇古豐圓出自黃庭

墨林快事

權邦彥

權邦彥字朝美河間人登崇寧四年太學上舍第調滄州教授入為國子司業宣

和二年使遼建炎元年除寶文閣直學士紹興元年為兵部尚書端明殿學士簽

書樞密院事 宋史本傳

權邦彥草書龍蛇飛動得顛張醉素之遺意 平園集

蔣燦

蔣燦字宣卿常州宜興人崇寧五年為蘭溪縣主簿累官至敷文閣待制贈正議大夫善書得古人用筆意大者徑尺小者如蠅頭怪奇瑋麗獨步一時凡今仙宮佛廬穹堂奧殿層樓崇榭得公書榜以為壯觀 孫觀南蘭陵尚書集

益王神道碑蔣燦書甚佳 湖山勝槩

東坡墨妙亭記蔣燦書 徐獻忠吳興尚書集

孫時

孫時字季中常州晉陵人以文學行義為一州之望字畫道麗有楷法得歐虞用筆意雖片紙尺牘屬葉記未嘗草書一字政和三年試上舍授出身賜將仕郎應天府姑熟縣主簿再徙定陶授宣教郎致仕 南蘭陵尚書集

岳飛

岳飛字鵬舉相州湯陰人累官湖北路荊襄潭州制置使進封武昌郡開國公加檢校少保樞密副使參知政事淳熙六年謚武穆嘉定四年追封鄂王 宋史本傳

金沙寺有岳飛已酉歲留題刻石詞甚壯 周必大汎舟錄

岳武穆請糧手跡小楷精妙絕類顏魯公 謝肇淛居東集雜纂

岳珂

岳珂

號倦翁

飛孫敷文閣待制霖子為籲天辨誣集五卷天定錄二卷

宋史本傳

唐人摹王方慶萬歲通天進帖卷後有倦翁岳珂書

停雲館帖

韓世忠

韓世忠字良臣延安人年十八以敢勇應募勇冠三軍建炎中帝手書義勇二字

揭旗以賜焦山寺捷聞為中興武功第一進太保封英國公孝宗朝追封蘄王謚

忠武

宋史本傳

韓世忠書法蘇長公逼真

寓意編

韓彥直

韓彥直字子温世忠子六歲從世忠入見高宗命作大字即拜命跪書皇帝萬歲

四字帝喜之拊其背曰他日令器也親解孝宗卣角之繻傳其首賜金器筆硯監

書鞍馬紹興十七年中兩浙轉運司試明年登進士第累官敷文閣學士贈蘄春

郡公

宋史本傳

曲端

曲端字正甫鎮戎人警敏知書善屬文長於兵略歷秦鳳路隊將涇原路通安砦

兵馬監押建炎中官宣州觀察使謚壯愍

宋史本傳

曲端善屬文作字奇偉

書史會要

吳玠

吳玠字晉卿德順軍隴干人少沉毅有志節知兵善騎射讀書能通大義建炎二

年知懷德軍累遷四川宣撫使謚武安追封涪王

宋史本傳

吳玠能書今闕中錦屏山壁間有其書奇偉可愛

老學菴筆記

潘良貴

潘良貴字子賤

金華遊錄云字義傑

婺州金華人以上舍釋褐為辟雍博士遷祕書郎靖康元

年召對高宗即位為左司諫除徽猷閣待制諫疏多焚藁雜著十五卷新安朱熹

為之序

宋史本傳

濯纓堂扁默成先生潘良貴書字徑尺許清勁有法

金華游錄

潘時

潘時字德廊生穎悟叔中書公良貴愛而收教之任為登仕郎進直顯謨閣累官

中大夫金華縣開國男少喜學書得歐顏楷法勁挺嚴密如其為人

朱子文集

潘時篆隸楷法皆臻其妙

紹興志

陳東

陳東字少陽鎮江丹陽人倂個負氣不戚戚於貧賤以貢入太學高宗即位上書

乞留李綱而罷黃潛善汪伯彥追贈承事郎紹興四年加朝奉郎祕閣修撰

宋史

本傳

祝枝山刻陳少陽書草於鎮江郡庠其書言三事所刻乃其藁草也李日華紫桃軒又

朱松

朱松字喬年號韋齋徽州婺源人中進士第胡世將謝克家薦之除祕書省正字趙鼎

都督川陝荆襄招松為屬辭除司勳吏部郎秦檜決策議和松上章極言其不可

出知饒州宋史朱熹傳

朱熹云先君少好學荆公書家藏遺墨數紙偽作者率能辨之臨寫荆公本恐後

數十年未必有能辨之者朱子文集

劉子翬

劉子翬字彥冲以父任授承務郎通判興化軍辭歸武夷山學者稱屏山先生宋

史本傳

屏山工筆札其蹟雜見鳳野續法帖中書史會要

張孝祥

張孝祥字安國癸辛雜識號于湖歷陽烏江人紹興二十四年廷試第一以顯謨閣直學士

致仕文章過人尤工翰墨嘗親書奏劄高宗見之曰必將名世宋史本傳

張安國書真而放楊萬里誠齋集

張于湖知京口王宣子代之多景樓落成于湖為大書樓扁公帑送銀二百兩為

潤筆于湖却之

癸辛雜識

宋高宗酷嗜翰墨張孝祥廷對頃宿醒猶未解濡豪答問立就萬言上閱之字畫
遒勁卓然顏魯公親擢首選臚唱賦詩尤雋永秦檜語之云上喜狀元策又喜狀
元詩與字可謂三絕詩尙本字何法孝祥曰本杜詩法顏字

江寧府志

吳說

吳說字傅朋號練塘錢塘人

書史會要

紹興以來雜書游絲書惟錢塘吳說

翰墨志

北山九里松牌吳說書高宗詣天竺親御宸翰徹去吳書說未幾守信州陞辭高
宗因與語云九里松乃卿書乎朕嘗作此三次觀之終不如卿朝退令再揭元牌
遍索之得於天竺庫院復令植道旁

行都紀事

席大光以母碑銘屈吳傅朋書之大光立於碑側不數字必請傅朋憩偃終日傅
朋病之至夜分潛起秉燭而書大光聞之起立以文房玩好之物盡歸之預儲六
千緡潤豪

貴耳錄

杭之北關接待寺寺額乃吳傅朋書勅賜妙行之院初扁甚小其後展而大之右
廡有古觀音殿亦傅朋書極佳

癸辛雜識

洞天清錄

練塘深入黃太史之室時作鍾體

蘇庠

蘇庠丹陽人朱存理云字養直京口人初以病目自號青翁後徙居丹陽之後湖更號後湖病民紳之後頌之族少能詩蘇軾見其清江

曲大愛之由是知名徐俯薦其賢上特召之固辭宋史本傳

後湖居士歌詩清臞蓋江西之派別而字畫健逸又老坡之苗裔也平園集

韓元吉

韓元吉隆興間為江淮轉運使江寧府志

歐陽集古錄跋尾有穎川韓元吉書朱子文集

朱敦儒

朱敦儒字希真朱子文集云號巖壑河南人紹興二年賜進士出身為祕書省正字兼兵部郎

官工詩及樂府婉麗清暢除鴻臚少卿宋史本傳

朱巖壑書橫斜顛倒幾若楊少師書法鈎玄

巖壑老人小楷道德經二篇精妙醇古近世楷法如陳碧虛之相鶴黃長睿之黃

庭皆所不及唯湍石喻公之典引諸書為可方駕耳朱子文集

鳳凰臺攬輝亭朱希真隸書陸游金陵記

喻樗

喻樗字子才朱子文集云號湍石其先南昌人後徙巖中建炎三年進士第趙鼎都督川陝荆

襄辟樗為屬紹興初授祕書省正字轉工部員外郎出知蘄州宋史本傳

相鶴經湍石喻公所書法度謹嚴意思蕭散朱子文集

朱鴻臚諭工部書超然遠覽追跡元常嘗集其墨刻以朱樂毅書喻相鶴經為絕

倫同上

向子諲

向子諲字伯恭臨江人敏中玄孫元符三年恩補承奉郎紹興中徽猷閣直學士

退閑十五年號所居曰薌林

宋史本傳

靈壁臥石上有刻字并小詩皆向薌林伯恭書

雲煙過眼錄

薌林書蹟傳世人多寶之

書史會要

徐兢

徐兢字明叔歐寧人

文獻通考作歷陽人

宣和六年高麗入貢請於朝願得能書者至國中帝

遣路允迪報聘以兢為國信所提轄官撰高麗圖經四十卷上之帝覽其書大悅

召對便殿賜同進士出身擢知大宗正丞兼掌書學遷尚書刑部員外郎

高麗圖經

附錄徐兢行狀

徐兢鉉之後善篆書自題保大騎省世家又自號自信居士

文獻通考

紹興以來篆法惟信州徐兢

翰墨志

明叔善篆說文解字之外另為一家雖其名兢字見於印文者亦與篆法不同

鶴

山集

徐琛

徐琛兢之弟以篆名家

書史會要

徐林

徐林字稚山

書史會要云兢之兄姑蘇志云林子藏之弟

中進士第隆興初為吏部侍郎以敷文閣直學士致

仕薦為給事中不起遷龍圖閣學士

姑蘇志

徐林以篆名家

書史會要

徐藏

徐藏字子禮

林

由進士知饒州後改浙東提舉常平知秀州藏有學尤善漢隸

姑蘇志

劉岑

劉岑字季高

平園集云號杆山

吳興人遷居溧陽博學愛士有古君子風登進士第累官戶

部侍郎以徽猷閣待制致仕

江寧府志

周必大跋劉季高帖云杆山老人筆精墨妙獨步斯世

平園集

劉岑草書縱逸而不拘蓋有自得之趣

書史會要

曾紆

曾紆字公卷

一作

號空青老人文肅公布子善詞翰以蔭補官崇寧癸未坐黨籍貶

零陵與黃魯直厚善紹興二年直顯謨閣

撫州府志

公衮行草既不用法亦不祈其神媿媿意盡則止耳

石門文字禪

趙弁 趙奇

趙弁字祖文見畫家傳弟奇字祖穎紹興中為監司字畫皆學蘇文忠公

平園集

熊方

熊方字廣居豐城人靖康鄉舉貢上庠參澧州軍事雅善書高宗內禪大書堯舜

二字表進有旨付祕閣除本路帥幕盧廷選南昌志

范端臣

范端臣字元卿蘭谿人紹興中登進士累官至中書舍人文詞典雅尤工於詩篆

楷草隸亦造其妙學者稱為蒙齋先生應廷育食莘先民傳

王逵

王逵字致君其先本宛丘人建炎時與父侯奔餘姚後補登仕郎銓試第一復舉

進士累官監察御史擢右正言論事忤執政移吏部郎才一日求補外除知鄂州

改湖南轉運判官終國子司業逵自幼至老無一日去書文章法先秦詩法三百

篇字畫法鍾王紹興志

孫覲

孫覲字仲益晉陵人嘗提舉鴻慶宮故自號鴻慶居士五歲即為東坡所器登政

和中進士第靖康中為詞臣歷吏戶長貳連守大邦紹興後斥居象郡歸隱太湖

二十餘年平園集

往過震澤僧寺見孫尚書仲益手牘數條石刻大似大蘇公書因徘徊其下久之
今見手牘數條與石刻書法無二帖中語及東坡先生其自守之正爲人之厚髣
髴可見不獨尺牘之工書法之妙也首二帖多戰筆似晚年書匏翁家藏集

向子廓

向子廓浚儀人周敦頤拙賦向子廓隸書趙師俠刻於郡丞廳後

古今碑帖考

康與之

康與之字伯可建炎中上中興十策及爲臺郎專應制爲歌詞世以比柳耆卿嘉

興志

伯可以文辭待詔金馬門學書於陳恬有書傳於世

書史命目要

嚴煥

嚴煥字子文登紹興十二年進士第調徽州臨安教官通判建康府知江陰軍遷
太常丞出爲福建市舶終朝散大夫文體整健書學尤精帝熱志

周武仲

周武仲字憲之建寧人第進士高宗時爲龍圖閣學士提舉江州太平觀留心翰

墨得歐陽率更筆法閣書

趙子澄

趙子澄字處度見畫家傳善草隸長歌詩紹興末官秭鄉畫繼

趙公碩

趙公碩浚儀人官侍郎 鶴山集

宋中興頌趙不息撰左朝散大夫永州路轉運判官兼提舉學事趙公碩書 劉敬祁

陽縣志

畢良史

畢良史字少董紹興初居汴 陶宗儀云紹興間進士李日華云蔡州人 閉戶著春秋正辭論語探古書宋哲

夫李願良輩執經師之 楊萬里誠齋集

良史能寫唐人小楷 書史會要

良史喜字學得晉人筆法少遊京師以買賣古器字畫之屬出入貴人之門當時謂之畢償賣兵火後僑寓興國軍江西漕將蔣燦喜其辨慧資給赴行在遂以古器書畫動諸內侍內侍多喜之思陵方搜訪古玩恨未有辨其真偽者得良史甚悅補文學權知東明縣到縣搜求古器書畫復載以達行在上大喜改京秩栖遲輦下人又號畢骨董 六研齋二筆

石熙明

石熙明摹刻蘭亭筆墨雖肥而意度亦有可取 屠隆帖箋

李昭

李昭字晉傑鄆城人 見畫家傳 篆尤精學三墳記 畫繼

風文齋書畫譜 卷三十五 書家傳十三 同文圖書館印

陸升之

陸升之字仲高山陰人詞翰俱妙

王明清玉照新志

曾慥

曾慥字端伯紹興間為尚書郎直寶文閣奉祠博學能詩號至游居

泉州府志

蘇庠詩翰帖跋有溫陵曾慥書

鐵網珊瑚

何大奎

何大奎高宗時人大智寺朋月巢記紹興庚辰直徽猷閣韓彥古撰直祕閣何大奎書寺

在富陽縣祥風村

慶瑜杭州府志碑碣目

張祿

張祿高宗時人海鹽修岳廟記紹興三年從政郎新陝州軍事推官張祿記并書

至元嘉禾志

志

馬雲夫

馬雲夫高宗時人崇明寺轉輪藏記紹興九年馬雲夫行書規模褚令蓋當時院體所遺

玄牘記

韓彥端

韓彥端高宗時人富陽縣放生池記紹興二十年縣尉韓彥端撰并書

慶瑜杭州府志碑碣目

李昌國

李昌國高宗時人湘山正路記紹興二十三年唐時撰儀真進士李昌國書并篆

蔣權湘山

事狀

王次山

王次山高宗時人朱孝子墓亭記紹興二十六年全州教授黃次元撰通判全州軍州主

管學事王次山書并題蓋蔣權湘山事狀

朱綬

朱綬高宗時人鳳縣忠護侯廟碑紹興二十八年鳳州司戶參軍權州學教授朱綬書

瑞漢中府志

季布

季布高宗時人高座寺宋季布楷書新公塔銘小碣迺紹興中甘露傳燈正祖大師法永

為東講院主慧新立者文與字雖不甚佳實雨花臺之遺跡金陵瑣事

孫勤川

孫勤川高宗時人趙子固論書云中興後朱巖壑橫斜顛倒幾若楊少師孫勤川規矩恐

下筆不中觀者書法鈎玄

鄭知幾

鄭知幾高宗時人德清縣重修孔子廟碑沈與求撰鄭知幾書吳興掌故集

秦檜

秦檜字會之江寧人登政和五年第紹興元年參知政事拜右僕射同中書門下
 平章事封崇國公進封秦魏兩國公贈申王謚忠獻開禧改謚繆醜宋史本傳
 檜能篆嘗見金陵文廟井闌上刻其所書玉兔泉三字亦有可觀書史會要

C. T. LOO & CO.
 41 EAST 57th STREET
 NEW YORK, N. Y.

573

NO.

HGT.

LENG.



